


# MOHLOLOHALI

 Kea leboha, moena. Kea leboha. Ha re inamiseng lihloho tsa rona joale bakeng sa lentsoe la thapelo. 'Me ka lihlooho tsa rona tse inamisitsoeng, kea ipotsa ke ba bakae ba ratang ho hopoloa thapelong, e tsebjoie feela ka ho phahamisa letsoho la hau.

<sup>2</sup> Ntata rōna oa Leholimō, re tla ho Uena ka boikokobetso, Morena, re ipolela re sa tšoanela ho tla. Empa kahobane Jesu a re etselitse tsela 'me a lefile moputso, ka baka leo, re ka atamela ka sebete Teroneng ea mohau, nakong ea tlhoko. 'Me joale, Morena, re sa le mona ho hlahisa Evangeli, menono e sa timeng ea Kreste, rea U hloka, Morena.

<sup>3</sup> 'Me ho ka ba le e mong ea lutseng mona, Ntate, eo O leakang ho mo kena sekolo ka mokhoa o moholo, hore U tle u ba romele kae-kae, morerong o moholo oo U o rerileng. Kea rapela, Ntate, haeba ho le joalo, bosiuung bona, ho re, morero oa Hau o tle o phethisoe. Le ho re thusa re sa ipea ho Uena bakeng sa tšebetso.

<sup>4</sup> Joale, U ile oa bona matsoho 'ohle, le ho sheba joalo ao a phahameng. U tseba se hlokoang. 'Me ke rapela hore U tla fana ka eona, Ntate. Ke hlahisa thapelo ea ka 'moho le thapelo ea bona, le litakatso tsa bona le litakatso tsa ka, holim'a Aletare ea gauta moo sehlabelo sa rōna se robetseng bosiuung bona. Ka Lebitso la Morena Jesu, re U rapela ho ngoatha Bohobe ba Bophelo, ho rōna, ho tsoa Lentsoeng la Hau. Amen.

Le ka lula fatše.

<sup>5</sup> Ke masoabi hore ebe ke liehile hanyenyane, feela ke ile ka utloisisa hore bosiuung bona e ne e le nako feela—morao hanyenyane, tšebeletso e ne e siiloe ke nako hanyenyane feela. 'Me re tla e lokisa, 'me re tsoe kapele kamoo ho ka khonehang. Joale re batla ho atamela Lentsoe, bosiuung bona, le ka sohle se neng se ahile ka ho rōna.

<sup>6</sup> Kea tseba le teng mona, lona, libini tse khabane tsena tseo ke. . . Mel Johnson, e mong, eo ke mo tsebang a lutse mona. Ke mo kopile ho re, binela, sefela seo ke sa khoneng ho se suthisa kelellong ea ka. Khafetsa ke se binela ka marameng, mabapi, "likeleli lia theoha." Ke—ke rata seo. 'Me ke kholoa a tla bina lijong tsa hoseng tsa Borakhoebo, kapa nqa e 'ngoe, bakeng sa rōna.

<sup>7</sup> Jim, ke batla u ikholise 'me u ntlisetse ntho eo. 'Me haeba le na le teipi e nyenyane, nketsetseng eona holim'a seo, ka ho khetheha, ka hona bana baka ba batla ho se utloa. Ha ke ntse ke theohela tlasana, ke—ke—kea utloa, ho a nthabisa, ho utloa 'mino o monate. 'Me, Billy, ke kena ofising tlase mono, 'me o nka

liteipi tseo tsa 'mino li letsoa ka linako tsohle, 'me ke kholoa e batla e mo thusa.

<sup>8</sup> Le a tseba, ho na le ho hong ka pina, e na le matla ho eona. Bohle re tseba seo. Re—re eelloa seo. Ua bona? Ke hore, sheba lebotho, ha ba bina lipina le ho bapala 'mino. Na le tseba katamelo ea ntoa, lebothong la Molimo, e qala ka 'mino? Libini li ne li eteletse areka pele, li nyakaletse li bina; eaba ho latela areka; e nto ba nto. Ke hantle. Ka hona, ke katamelo e loketseng eo.

<sup>9</sup> 'Me ke lona lebaka le etsang hore re kene tšebeletsong bosiu. Re etsa'ng? Ho bina lifela tsa Morena; 'me ebe Areka, Lentsoe, ho bala Lentsoe; ebe nto, ebe re—re kene. Kahoo lifolaga tse kholo lia fokaela, bosiuong bona; Lebitso la Jesu Krete, Jehova Molimo a ke a phahamiso, sera se balehe.

<sup>10</sup> 'Me, Molimo, hapa tlhola bosiuong bona, le ho pholosa meea, ho folisa bakuli le ba mahlomoleng; etsa hore bao, ba khathetseng le ba tepeletseng, ba phahamise lihlooho tsa bona 'me ba thabe, le ho Ithuela khanya e kholo. Hoba re kopa sena ka Lebitso la Morena Jesu.

<sup>11</sup> Ke batla le phetle, bosiuong bona, le 'na, haeba u tšoare Bible e ea hau, 'me ka nako tse ling batho ba tšoaea theronyana eo bareri ba buang ka eona. Ke ne ke ee ke nahane ka lintho tse na ka potlako, ke sa li ngola fatše. Empa hoba ke fete mashome a mabeli a metso e mehlano, khele, likhoeling tse 'maloa tse fetileng, ke bolela khetlo labobeli, 'me ke batla ke thatafalloa ho hopola. Ke jere mabote a mangata a lintoa. 'Me ha re tsofala, ha re nahane joaloka mehlang, 'me ke na le . . . Ha ke sheba Lengolo 'me ke bona, joale ke hopola seo temana e leng sona.

<sup>12</sup> Ha re phetleng ho Joshua, khaolo ea 10, ho qala ho bala temana ea 12.

*Joshua a bua le MORENA mohla Morena a ne a neela Baamore pel'a bana ba Iseraele, 'me o buile pontšeng ea Iseraele, Letsatsi, ema holim'a Gibeone; le . . . Khoeli, holim'a phula ea Ajalone.*

*'Me letsatsi la ema, le khoeli ea ema, hofihlela batho ba iphetelitse ho lira tsa bona. Na ha ho a ngoloa bukeng ea Jashere? Eaba letsatsi le ema har'a leholimō, 'me ha lea ka la phakisa ho theoaha ea batla e-ba letšoare lohle.*

*Ha ho a ka ha eba letsatsi le joalo leha e le pele leha e le morao, leo MORENA a utloileng lentsoe la motho ka lona: hobane MORENA o ne a loanela Iseraele.*

<sup>13</sup> Morena a ekeletse mahlohonolo a Hae palong ea Lentsoe la Hae. Ke batla ho ntša thero moo metsotso e ka bang mashome a mararo, ha nka e tšoara mono: Mohlolohali. Sebelisa lentsoe leo feela: *Mohlolohali*.

<sup>14</sup> Joale ho latela Webster, *mohlolohali* ke “ntho e sa khloeheheng, empa ke 'nete,” ka baka leo mohlolohali o tla itšoanela le mohlolo. Mohlolohali ke mohla ntho e—e bonahalang e ke ke ea etsoa, e—e tsebong ea kelello ea motho; ha e khloehe ka botlalo, empa leha ho le joalo e pakiloe e le 'nete. Joale, mohlolo e tla ba ntho e tšoanang, hoba mohlolo o ke ke oa hlalosa. Mohlolo ke ntho e etsahalang, 'me u ke ke oa e hlalosa, hoo ho o fetola mohlolohali. E a makatsa, empa leha ho le joalo ke 'nete.

<sup>15</sup> Joale, batho kajeno, batho ba bangata ba mehla ea kajeno, ba lumela matsatsi a mehlolo a fetile. Ha ba lumele ho ena le ntho e kang e—e mohlolo. Empa, leha ho le joalo, ke lumela hore lefatše le tletse mehlolo. Ke lumela hore mohlolohali ha o phetse ho lula o le teng.

<sup>16</sup> Ho tea mohlala, ke lumela hore setho se seng le se seng sa 'Mele oa Krete se tsoetsoeng labobeli ke mohlolohali bosona. Ke lumela e mong le e mong oa lona Methodise le Presbeteriene le Lutherane, ea eso fumane boiphihlelo ba kolobetso ea Moea o Halalelang, a ne a le kerekeng e itseng e fofa e sa lumeleng Tsoalo ea makhonthe e ncha, 'me joale a amohetse kolobetso ea Moea o Halalelang, ke mohlala o phethehileng oa mohlolohali. Hobane, ntho e 'ngoe e etsahetse ho uena, e fetotse botho bohle ba hau, 'me mang le mang a ka sheba seo 'me a tseba seo mohlolohali o leng sona: mohlolo.

<sup>17</sup> Pele seo se etsahala, u ka se be Mokreste. Eka khona ho be le mohlolohali, hore u tle u fetohle Mokreste. Hobane, ha ho motho ea ka—ea ka fetolang moea ka ho motho, le ho mo Tsoala bocha, kathoko ho Molimo. Ke Molimo o 'notši o ka e etsang. 'Me ke mohlolo kamoo Molimo o ka nkang monahano oa motho, le mekhoha ea hae, le bophelo ba hae, le ntho e 'ngoe le e 'ngoe, le ho o fetola ho tsoa ho seo o neng o le sona, ho ea ho seo o ka bang sona, seo A ka o etsang sona.

<sup>18</sup> Mohlala, matsatsi a 'maloa a fetileng, ke ile ka biletsoa e—e ketsahalo, kapa ho e—e nthoana e etsahalang. Ho le mohlankana ea khabane, moshanyana ea khabane haholo, o ne a tsamaea le ngoanana e monyenyanane, ngoanana ea khabane haholo ho tsoa lelapeng le letle. 'Me moshanyana enoa, hang feela, a nyoloha ka mohopolo oa mofuta, 'me a tloha a ikela feela. O ile a etsa ho ngoanana ntho e phoso, 'me feela joalokaha a ne a mo tšepisitse ho etsa ntho e itseng 'me a sa e etsa. 'Me sebakeng sa ho tla ho ngoanana le ho kopa tšoarello, joalo ka e—e monna ea khabane ha a loketse, eena, ho sa lula ka ho eena ho e etsa.

<sup>19</sup> Me ntate le 'mè ba mpitsa temengg, 'me ba re, “Re ka lakatsa ho tseba molato ka moshanyana oa rona.”

<sup>20</sup> Joale, ka linako tse ling ha ho bonolo ho etsa joalo, empa u tlameha ho bua 'nete le ho tšepahala. Ka baka leo, moshanyana e ne e le Mokreste, ho latela molumeli. O ne a bakile, 'me a

kolobetsoa, 'me a nkile boemo ba hae har'a balumeli, empa koana a eso amohela kolobetso ea Moea o Halalelang, ho sa tsotelehe hore o ne a nahana hore o na le eona hakae.

<sup>21</sup> Ha u nahana hore u na le eona, le ho ba le Eona, ke lintho tse peli tse fapaneng. U ka leka ho ipolela u entse joalo, 'me u ka bontša bopaki bo itseng ba maikutlo a itseng; empa ha bophelo ba hau bo sa netefatse seo u ipolelang sona, u sa ntse u se na Eona. Ho sa tsotelehe maikutlo a makae, u tloa hakae, ho matha, maikutlo, ho bua ka lipuo, kapa ho hlaba litlatse, leha e le eng eo u ka e behang holim'a eona; etsoe ho itoketse, ke lumela hoo hohle, hape; empa ha bophelo ba hau bo sa bape le bopaki ba hau, joale ha u na Bona. Hobane, tholoana ea Moea e netefatsa seo u leng sona, joaloka tholoana ea sefate sefe e bolela seo se leng sona. Jesu o itse, "Le tla ba tseba ka tholoana ea bona."

<sup>22</sup> Joale, batsoali ba mohlankana enoa. 'Mè oa hae ke Mojeremane. Hase ho pepesa Mojeremane, empa lefutso la lelapa leo le teng. 'Me, ke hore, ba tla lula feela, 'me u ka qoqa le bona, 'me ba tla u tjamela hantle sefahlehong. Ba na le . . . Khaitsetli ea ngoanana enoa, 'mè oa moshanyana enoa, khaitsetli ea hae. Ke theohile seterata, hangata hoseng, 'me mofumahatsana enoa a lule kantle jareteng, 'me ke re, "Malume hoseng, ho uena." O ne a ye a ntalime. 'Me ke eme, 'me ke re, "Ehlile hoseng ho hotle." O ne a ema feela, a u shebe hantle; mosali ea hlalefileng. 'Me ke re, "Tloo u re bone ka linako tse ling." O ne a ema feela 'me a shebe. Be, baena ba hae ba joalo, ntate le 'mè ba joalo.

<sup>23</sup> Hona joale ntate oa moshanyana eo, e hlile ke monna oa Leaerishe, ea feto-fetohang, ea bohale, ea mabifi. Lelapa la hae lohle le joaloo, haese e mong kantle ho lelapa, ea sokolohileng. Joale tabeng ena, moshanyana enoa . . .

<sup>24</sup> Ntate enoa le 'mè, bobeli ke Bakreste, ba tlatsitsoeng ka Moea o Halalelang, 'me ba holiselitse mohlankana enoa tseleng ea Morena. 'Me joale mohlankana a ka ba lilemo tse leshome le metso e supileng kapa leshome le metso e robeli, ntho e 'ngoe mono, mothaka ea khabane haholo, 'me eena—esale e le moshemane e le mohlala lapeng, ngoana ea motle. 'Me moena oa hae eena o fapane le moo.

<sup>25</sup> Empa banana, lelapa la 'mè, le phela haufi le . . . kereke e ntle. Empa na u nahana hore ba ka tla mono le ka mohla? Che. 'Me ba E tseba e lokile, empa ha e a aha ho bona feela ho—ho kopa tšoarello kapa ho kopa teballo. Ba mpa feela ba sa batle ho e etsa. Ha e a aha ho bona feela.

<sup>26</sup> Joale liphatsa tsa lefutso ho ntate le 'mè oa moshanyana enoa, ho sa tsotellehe hore na ba sokolohile hakae, e sa ntsane e le nama e loheletsoeng ho moshanyana enoa. Ka baka leo, moshanyana o na le marangrang a pherekano ho eena, joalo ho tsoa lelokong la 'mae, 'me ha ba tšoarele, ba ke ke ba itšola, 'me ke hona moo moshanyana eo a emeng teng.

27 Joale, ka re ho ntate, “Ho sa tsotelehe u mo holisitse ha kae. . .” Ka re, “Joale u shebe, ho tsoa lelapeng la hau: bao bohle, matahoa, le—le ho loana, le ho thunya, le ho hlaba, le joalo-joalo.”

28 “Joale sheba lelapa la hau,” ho fihla ho ’mè. “Ke sehlopha sa batho, ho lula mono feela ’me ba sa bue, ba ikemetse, le joalo-joalo, ho hloka hlompho nqa borapeli. Empa,” ka re, “e seng uena. Ke uena feela likhaitseling tsohle tsa hau le baena, ’me u mosa, molemo, le tsoarelo. Hoo ho etsoa ke’ng? ’Me u sefate, karolo ea sefate seo sa lelapa, joale u amohetse Moea o Halalelang. Ke eona ntho e entseng hore u be bonolo le monate. Ha e sa le batho ba heno hape, ke Krete oa hau ea phelang ka ho uena.”

29 Ka re ho moshanyana, “Sheba lelapa la heno, mohlomong kaofela ha bona ke matahoa, le joalo-joalo.” Ka re, “Le kamoo ba leng bolutu, le—le mabifi a cheseho e tukang, empa uena ha u joalo. U mosa, u a tsoarela. Ke eng? Moea o Halalelang. Ha u sa le seo u leng sona; ke Krete ka ho uena.” Ka re, “Joale eona ntho eo e loketse ho etsahalla mora oa hau.”

30 ’Me ntate a phahama a re, “Mora oa ka o ile aletareng. O kolobelitsoe ka nepo, ka Lebitso la Jesu Krete, le kolobetso ea metsi letseng.” Ho re, “Kea tseba mora oa ka o tllile ho Krete.”

31 Ka re, “Mohlomong ho itoketse, likhato tsohle tse ka ntle. A ka ’na a bonahatsoa e le molumeli ’moho le balumeli. Empa pele a nchafatsoa, a tsoaloa labobeli, nka eletsa mohlankana eo ho se nyale mosali. O tla mo etsetsa Lihele lefatšeng, ho fihlela Moea oo o mosa, o bonolo, o tsoarelang oa Krete o kena kahare. E tla be e le mohlolohali ka boeona, ho nka eona tlhaho ea moshanyana ea tsoaletsoeng pakeng tsa ntate le ’mè. ’Me koana, bohlang ba hae, o leka ka bokhoni ba hae ho e hlola. A ke ke a e etsa. A ke ke a e hlola. Krete o tla tlameha ho e hlola. Ha a lumella Krete ho kena, o se a hlotse. E tla ba mohlolohali o phethahetseng, ha motho a tsoetsoe ke Moea oa Molimo.

32 Ke bone basomi ba emella thokoana ba soma, ba itšoere joalo, ka tsoeletso ea Moea o Halalelang. ’Me ka mora nakoana, Molimo o tšoara monna ho mo fetola, ’me ke enoa o eme hantle sefaleng a rera eona ntho eo a kileng a e hloea. Ke mohlolohali, kamoo Molimo a ka nkang mosalumele le ho mo etsa molumeli.

33 Joale kea ipotsa, haeba motho a nahana hore mehlolo e fetile, kea ipotsa u ka neha motho ea joalo moriana oa mahlale afe ho fetola semelo seo ka ho bona, ho fotholela lehloeo le lonya le khang, kantle? Ha ho motho ea ka e hlalolang. Empa ke mohlolohali, hobane ke mehlolo oa Molimo. Ha motho a fetoha ho tloha ho motho eo a leng eena, ho ea ho sebopuo se secha ho Krete Jesu, o fetoha ’mopo e mocha. Ha a sa le seo e kileng a ba sona. Ke ’mopo o mocha ka ho Krete ka botlalo.

<sup>34</sup> Lefatše lena bolona, leo re phelang ho lona, ke mohlolohali ruri, kamoo le bopiloeng kateng. Rea fumana, ho Baheberu khaolo ea 11 le temana ea 3, ho re, “Lefatše le ne le boptjoe ’moho ke Lentsoe la Molimo.” Molimo o fumane kae lithepa ho etsa lefatše lena? O e entse joang? Bible e re le “bopiloe ’me le raliloe ’moho.” Kaho eohle ea lona le karolo ea lona li ne li kopanngoe ke Lentsoe la Molimo. Haeba e se mohlolohali oo, ha ke tsebe moo o leng teng. Re ne re ka hlalisa kae ra re O fumane thepa, athe thepa e ne e le sieo? O ne a tlameha ho e hlalisa ka ho e bua. Ke mohlolohali, ha lefatše lena le le teng mona bosiuung bona.

<sup>35</sup> Ntho e ’ngoe, ke mohlolohali hore le lula joang tselaneng ea lona, le leketlile sepakapakeng. Le ka leketla joang sebakeng seo se le seng, le bilikana ka tsela *ena*, e ka ba limaele tse sekete le makholo a leshome ka hora? Limaele tse likete tse mashome a mabeli a metso e mene kapa tse mashome a mabeli a metso e mehlano ho potoloha, le ho potoloha lihora tse ling le tse ling tse mashome a mabeli a metso e mene, ka ho phethahala hoo le sa foseng motsotsoana. Ho phethoha ka phetheho, hantle ho feta mohlomong. . . Ho feta limaele tse sekete ka hora, le ntse le phethoha *tjena*, le leketlile sepakapakeng. Holane le ka ea holimo kapa tlase, ntho efe, khele, khele, le ka—le ka sitisa tsamaiso eohle ea letsatsi le mahlahana a Molimo. ’Me le potoloha ek’hoeita, ho potoloha tselaneng lilemo tse kana, selemong, ha le hlalehe, lihla hantle feela.

<sup>36</sup> Mpolelle hore le tšoeroe ke ’ng holimo mono, le fetoloa ke ’ng nakong e phethahetseng hakana. U ka sheba; ha ke tsebe na u ka lefa bokae, lidolara tse sekete; ’me wache eo, nakong ea khoeli, e tla lahlehela ke metsotso. Ha ba na letho le ka sebakeng ka phetheho e kana, empa koana lefatše lena le fetoha ka phetheho. Hobaneng? Ke Molimo o e etsang. Ke mohlolohali. Molimo o le laetse ho etsa hoo, ’me le a e etsa.

<sup>37</sup> Ho ka thoeng ka khoeli? Leha ho le joalo limilione tsa limaele hole le lefatše, ’me leha ho le joalo e—e laola maqhubu holim’a lefatše. Bohole ba limaele tse limilione, tšoaetso ea eona, ea ho ema sebakeng sa eona. E eme mopotolohong oa eona, e tšoaetsa lefatše. Polanete ka ’ngoe e tšoaetsa e ’ngoe, ka ho lula sebakeng sa lona.

<sup>38</sup> Oh, nka qotsa thero e kakang ho tsoa mona, thuto! Ka moo se seng le se seng sa libopuo tsa Molimo se tla lula sebakeng sa sona, se ne se tla tšoaetsa se seng. Empa re khelohela sefitahlohoaneng se hlaha kae-kae, ’me re bope mokhatlo le ho ikarola, ka ho hloka tumelo, ’me re lubakantse tsamaiso eohle ea Bokreste. Hola motho e mong le e mong a ka lula sebakeng sa hae, e ne e tla ba mohlolohali oa Molimo, ho bona kamoo Molimo o ka tlisang Mapresbeteriene, Maluthere, Mabaptise, Mamethodise, Makatolike, le bohle ’moho. Ha re ka khutlela Lentsoeng la Molimo, e tla ba mohlolohali oa ’nete. ’Me kereke eohle e ne e ka lumela, e seng holim’a lihlomathiso tsa hau le joalo-joalo,

empa holim'a Lentsoe, kamoo Le ngoliloeng. Hobane, "Ha se ka boithalalasetso ba motho," ho bolela Lengolo.

<sup>39</sup> Kamoo khoeli eo e tšoaetsang lefatše! Ha se khale haholo mona, motsoalle oa ka, moahisane oa ka, o ne a cheka mekoti ea oli, tlase naheng ea Kentucky. 'Me ha khoeli eo e qala e phahama mono, leqhubu leo le kena le haola hole koana le lefatše lohle. Metsi ao a letsoai, tlase mosimeng moo ba chekileng, a tla phahama ha khoeli eo e fihla. Ho sa tsotelehe, haeba e le maoto a makholo tlas'a . . . kapa holim'a lefatše mona. Ho theoha maoto a makholo, le joale, ha khoeli eo e phethoha, metsi ao a phahama ho kahlana le eona. A entse joalo.

<sup>40</sup> U ke ke ua pata letho, ha Molimo o e laetse. E tlameha ho mamela Molimo, ha Molimo o hlalisa taelo ea Hae. Ke tseba ke hona A tla ba le "Kereke e se nang letheba leha e le letsika," Molimo o e laetse joalo. E tla tlameha ho mamela. Molimo o tla e fumana, hobane Lentsoe la Molimo le boletse joalo.

<sup>41</sup> Maqhubu, khoeli, le ntho eohle, kahlamelolo holim'a liketso tsa lefatše! U nka . . .

<sup>42</sup> Re bona naleli e chalametsa, re e bitsa naleli, ha se naleli e chalametsang, ke leseli, hoba re tseba seo, empa re e bitsa naleli. Naleli eo e ne e ke ke ea tsamaea bohole boo. Haeba naleli e le 'ngoe e ka sutha tseleng oa eona, mohlomong e ka tšoaetsa ntho e 'ngoe le e 'ngoe selikeng, ho bokahohle bohle, e tla—e tla sitisa. Ntho e 'ngoe le e 'ngoe e tšoaetse ho lula malulong a eona, ho baballa tsamaiso ea Molimo e tsamaea.

<sup>43</sup> Ka hona re tlameha ho lula sebakeng sa rona, re tlameha ho lula re le bara le barali ba Molimo. Holane re sa oa morao mono, ntho eo e ka be e ntse e phethoha, ho ka be ho se lefu kapa letho le sele. Empa ho lebohuae Molimo, mohlolohali o a tla, mohla Molimo ka Sebele a tla le beha moo le loketseng. E, mohlolohali.

<sup>44</sup> Monna ea sa lumeleng ho—ho mohlolohali, le ho se lumele mehlo, u ka lokafatsa bohlae ba hau joang, le ho sheba lintho tseo u ke keng ua li hlalosa? Ha se ntho e ka etsoang ho motho ho hlalosa kamoo lefatše le ka likolohang la boloka nako e phethehileng, 'me (kamehla) letsatsi lohle le mahlahana a lona le lintho tseo, le kamoo khoeli e ka tšoaetsang lefatše. 'Me re ne re ka bua ka lintho tse ling tse kae!

<sup>45</sup> Kamoo e—e lero ha le theoha sehlang sa selemo le tla theohela motsong oa sefate, ntle le bohlae ba ho le theolela tlase mono, ho le khutlisetsa morao nakong ea selemo, ka bophelo bo bocha, khele, ke mohlolohali. Ha ho motho ea ka e hlalosing. Ha re tsebe kamoo e sebetsoang. Empa Molimo o a e etsa, ka baka leo ke mohlolohali, ka ho se khaotse. Ke sephiri kamoo Molimo a etsang seo. Re e sheba haholo ho fihlela e tloaeleha, re e tloisa mahlo holimo.

<sup>46</sup> 'Me ke bona bothata ka (rona) batho ba Pentekosta. Re bone Molimo o etsa limaka tse ngata hakana hoo ka linako tse ling

re e nahanang ka seoelo. Hoja re ka ema motsotso feela 'me ra nahana! Molimo o hohle. Molimo o—o a sebetsa. 'Me tšupanako ea Hae ea khale e ntse e otlaka, ho fihlela qetellong e kena koana Bosafeleng, hobane Molimo o e tšepisitse ho etsa hoo. Joale re a tseba hore mohlolohali o teng.

<sup>47</sup> Joale, morao matsatsing a Nohe, pele pula e fihla, le moroallo, e ne e hlile e le e—e ntho e thata ho Nohe, mongoaheng o moholo oo oa hlalefo a phetseng ho oona, ho leka ho bolella batho, ka Lentsoe la Molimo, hore pula e tla na. Joale, e ne e tla ba joalo, ntle le pelaelo, e ne e sa tl'o khema le—le lipatlisiso tsa bona tsa mahlale, pula e ne e le sieo maholimong. Empa, u a bona, Nohe o itse pula e tla na hobane Molimo o boletse pula e tla na. 'Me Nohe, ka tumelo, le pele pula e fihla, o itse e tla fihla.

<sup>48</sup> Ke ka hona re buang ntho e tšoanang. Hoo, ba re, “Khele, Jesu, khale ba itse O tla fihla. Makholo a lilemo tse fetileng, ba itse O tla fihla. Baapostola ba itsalo; mohlomong molokong oa bona.” Seo ha se e emise le hanyenyane. Re ntse re tseba hore O a tla. Ho tla ba joalo joang? Ha ke tsebe. Empa Molimo o tla Mo romela. O tšepisitse joalo, 'me kea tseba O tla fihla mona.

<sup>49</sup> Joale, Nohe o ne a ka re feela, “Molimo o itsalo.” Empa, le a bona, joale ke hona, ka mora tsohle, ha e a ka ea khemisana le tiiso ea mahlale a bona a letsatsing leo. Empa mohla Lentsoe le neng le phetheha, pula ea na, ka ho tšoana. Oo e ne e le mohlolo letsatsing leo, ho nahana hore pula e ka tsoa leholimong, moo ho se nang pula.

<sup>50</sup> Empa ha Molimo a nkuoa Lentsoeng la Hae, A ka etsa, a etsa mohlolohali. A ka etsa mohlolo. 'Me motho ofe ea tsoetsoeng ke Moea oo o etsang mehlolo, khele, ho bonolo ho eena ho lumela mehlolo, hobane ke karolo ea Molimo. Amen.

<sup>51</sup> Mora le morali oa Molimo; e seng ka bolumeli ba mokhatlo, e seng ka tumeloana, e seng ka ho tsukutla letsoho; empa ka tsoalo, u shoele ka nqa ea lihlalefo tsa hau, 'me u tsoetsoe ke Moea oa Molimo. 'Me u mohlolohali, ka bouena, kamoo u fetotsoeng ho tloha lefung ho kena Bophelong. Ho tsoa bothong ba hau bokahare ke popo e ncha ka ho Krete Jesu. Ke mohlolohali.

<sup>52</sup> Molimo o bua Lentsoe la Hae, bana ba Hae ba le lumela 'moho le Molimo. Mahlale a ke ke a paka kamoo e ka etsoang; ha ba tsebe letho ka eona. Empa bana ba e lumela, leha ho le joalo, 'me Molimo o etsa mohlolohali, ho e phethisa. Ho e sebetsa joalo, hobane Lentsoe la Oona le bopileng lefatše, le ka hlahisa, le ka etsa hore lentsoe le leng le le leng, leo A kileng a le tšepisa, le etsahale.

<sup>53</sup> Ke ka hona Abrahamama a sa kang a sisinyeha tšepisong ea Molimo, ka ho se lumele, empa o ne a khotsoe ruri hoba O khona ho phethisa le ho boloka seo O boletseng O tla se etsa. A se ke a sisinyeha tšepisong ea Molimo, a le lilemo tse lekholo, 'me Sara a le mashome a robong, ho fumana leseba lena. Hobane o tsebile



hore Molimo o ne o ka etsa le ho (etsa) ho hlalaha mohlolohali oa ho hong, mohlolo o tla hlaha, 'me O e entse.

54 Bana ba Baheberu. Joale kajeno le ka etsa joang hore mahlale a lumele motho a ka kena seboping? Oh, nka tšaba ho bolela hore e ne e le mocheso oa li-Fahrenheit tse kae; empa ho kena seboping seo morao mono, Bukeng ea—ea Daniele, le ho lula seboping seo ho fihlela ba nahana hore eena, ba chele lore ho fihlela e le molora. Etsoe, esita le banna, lebotho le leholo la masole, banna ba baholo ba lihanka ba ileng teng mono ho—ho ba lahlela seboping, banna bao ba keneng ka mono ba timelitsoe, ke lebatama le matla la sebopi khahlano le bona. 'Me ba oetse seboping, 'me ba lutse tlase mono nako ena eohle, le ho tsoa ho se le monko oa mollo holim'a bona.

55 Molimo, o etsa mohlolo! E ne e le mohlolohali oa makhonthe, oa matla a Molimo a bolokang, khahlano le sera sefe kapa sefe, ha motho a itokiselitse ho amohela Molimo e le 'nete. 'Me Molimo o boloka Lentsoe la Hae 'me o hlompha ba lumelang ho Eena. Ruri ke lumela mohlolohali.

56 Joshua, mohlabani e moholo eo ke sa tsoa bala ka eena, metsotsong e 'maloa e fetileng, Bukeng ea Joshua, khaolo ea 10. Lemohang, Joshua e ne e le e—e motsoalle oa Molimo. E ne e le lesole, e—e mogenerale, 'me o tllile a le tlas'a tšusumetso ea moporofeta, Moshe. 'Me Moshe o ne a tlositsoe, 'me Joshua o ne a laetsoe ho nka bana ho kena lefatšeng la pallo, le ho arola mafatše. Bana ba ho se lumele; 'me Moshe o ne a lebeletse ho tsofala, 'me eaba Joshua o nyoloha ho tlatša malulo a Moshe, ho beoa mogenerale oa Molimo.

57 'Me Morena oa bua le eena, le ho re, “Joaloka ha Ke ne ke bile le Moshe, le 'Na ke tla ba le uena.” Hoo ho lekane ho Joshua. Ho re, “Iphe matla le be sebete, hobane Morena Molimo oa hau o na le uena hohle moo u eang teng. 'Me hohle moo bohato ba maoto a hau bo tla hata teng, Ke u neile bona.” Ka hona, mehlala ea maoto e ne e lekanya lefa. Lefatše lohle e ne e le la bona. E ne e le tšepiso.

58 Khale le pele e etsahala, mohla a theohetseng mono le Kalebe le lihloela tse ling, 'me ba bona kemo-khahlano e kholo, Baamaleke, le—le Baperise, le Bahethe, le ba joalo, bohle ba haelelitsoe ka hare, 'me mono Jeriko ba ka beisa makoloi a ntoa holim'a e—e sebaka, le monna e moholo ea matla. Hoo, ba bang ba—ba sa lumeleng har'a bona, ba itse, “Khele, re joaloka mehloenyane pel'a bona.”

59 Empa Kalebe a re, le Joshua, “Re khona ka ho fetisisa ho le hapa.”

60 Hobaneng? Molimo o itse, “Ke le neile lefatše lena.” Ho sa tsoetelehe kemo-khahlano, le boholo ba—le e—e—e mathata a bonahalang, koana Molimo o itse ke la bona. Oh! Molimo o ka boloka seo O se tšepisitseng.

<sup>61</sup> E ne e le mohlolohali, ho bona batho ba tlang seatla, ba sa hlomela, mohlomong, ka seo ba se thonakileng mahoatateng, 'me ba lelekisa banna ba bang, mohlomong ka liharaka tsa khale le lisaga, le eng eo ba neng ba ka e tsoara. Ho kena ka mono le ho otlala banna bao, athe e ne e le linatla. E ne e le mohlolo. Molimo o ne a tseba hore ba na le sebete sa ho etsa joalo. 'Me O ba file tšepiso, 'me ba kena 'me ba phethisa hantle seo Molimo o ba tšepisitseng ho se etsa.

<sup>62</sup> Ka tsatsi le leng, ha ntoa e le mahlo-mafubelu, mohla marena a neng a hlabile selekane se sehlole har'a bona 'me a theohile ho ema khahlano le Joshua le bana ba Iseraele. Hoo, Molimo o ne o ba tšepisitse lefatše. 'Me o ile a thibella sera, 'me ba le merung le maralleng, ba hasane kantle nahathote mono, 'me Joshua a sheba 'me a bona letsatsi le likela. A tseba hore ha mabotho ao a ka fumana monyetla oa ho phomotsana le—le ho khutlela ho eena hape, khele, o ne a tsebile a tla thatafalloa habeli 'me mohlomong a lahlehelo ke banna ba bangata, haeba ba ka fumana sebaka sa ho ikōpanya 'moho.

<sup>63</sup> Ke hona moo, bareri, ke hona moo re hlolehang teng. Ke hona moo kereke e hlolehang teng. Mohla tsoseletso ena eo re sa tsoa e tsoara, mats'olo a maholo ana a qalileng a haola le naha, athe re ne re qobokisitse sera se baleha, re ne re lokela ho se boloka se ntse se baleha. Empa, taba ke ena, re tlameha ho tloha re kenela sefita-hlohoana sa bohlahla le lintho tse joalo, le mekete e meholo le “ho atisa lihlopha tsa rona,” le lintho tse joalo. 'Me ke moo le fihlileng teng, 'me le ikarola Lentsoeng, le ho nka *senā, sane*, 'me ebe ba haha e meng hape ea mekhatlo ea bona, le ho qala ntho e 'ngoe. Kamehla e tsamaea joalo. Ho bile joalo matsatsing a Luthere, Wesele, le Moody, Sankey, Finney, Knox, Calvin, ho theoha joalo. Ho bile ka tsela e tsoanang. Ba tlosa mahlo a bona ho—ho tsoseletsong, le ho kena ho seo ba ka iketsetsang sona.

<sup>64</sup> Empa na le tseba se hlahileng? Joshua e ne e se monna oa mofuta oo. O ne a hloka nako. Letsatsi le ne le likela, 'me o tsebile haeba sera se kile sa aha . . . Tsoseletso e ne e batla e le qetellong ea eona, joaloka ha re eme kajeno. O tsebile haeba a ka emela sera se ho inatlafatsa khahlano le eena, ho ka ba thata ho hlola ntoa eo. Na le tseba seo a se entseng? O tsebile Molimo o tšepisitse lefatše leo. O ne a hloka nako e ngata. Kahoo letsatsi le se le ea likela, eaba o re, “Letsatsi, ema.” Amen. Mohlolohali, ruri. 'Me letsatsi leo la ema mono letsatsi le tletseng, 'me ha le a ka la sisinyeha; le khoeli holim'a Ajalone, ha e a ka ea sisinyeha, le eona.

<sup>65</sup> Hobane, Bible e boletse mona, ho re, “Ha ho eso be le nako pele, kapa haesale, e kang eona, hore Molimo o utloe lentsoe la motho.”

U re, “Oh, hola ke tsebile re phetse feela letsatsing leo!”

66 Jesu o boletse, ho Santa Mareka 11:24, “Ha u ka re ho thaba ena, ‘Sutha,’ ’me u sa belaele pelong ea hau, u mpa u lumela hoba seo u se boletseng se tla hlaha, u ka fumana seo u se boletseng.” Mohau o sa le teng, le mohlolohali, ho theohela mongoaheng oa rona. Ehlile.

67 Khoeli eo le letsatsi tsa ema hofihlela Joshua a loana a phunyeletsa, ’moho le Iseraele, ’me ba iphethelitse ho sera sa bona. Hobaneng? E ne e le leetong la kutlo.

68 Joale ha u ka tsoela mona oa re, “Thaba, sutha! Ke batla ho u bontša hore nka e etsa.” E ke ke ea khona.

69 Empa haeba e le temeng ea kutlo, ha Molimo a u laetse ho etsa ho hong! Joaloka ha A boleletse Moshe, “U hooeletsang ho ’Na? Bua le bana.”

70 Batho kajeno ba lla ka linako tsohle, “Morena, ntho e latelang ke efe, ntho e latelang ke efe?” Bua feela ’me u tsoele pele! Ke hantle. Molimo o re laetse ho etsa ho hong, tloong re e etseng. U se ke ua ema ua nahana ka eona, ho re, “E ka etsahala joang? Be, *sena* ke sane.” E etsa phapang efe; ha Molimo a laetse ho etsoa, le e etse leha ho le joalo. E sa ntse e le Molimo oa mehlolo.

71 Joshua, ruri e ne e le mohlolohali mohla letsatsi leo le emeng tsi. Ke ne ke bua le e—e rasaense sekolong khetlo le leng, ’me e ne e le mosuoe oa Bibe. ’Me a re . . . Ka bua ka taba ena ho eena. Ke itse, “Ke itse nahana hore u itse e—e lefatše lea phetoha, u a bona, ’me—’me letsatsi la ema?” Ke itse, “Ho ka thoe’ng ka Bibe eo u sa tsoa re bolella hore e ne e le ’nete? Molimo . . . Joshua o itse, ‘Letsatsi, ema.’” Be, keha a sa khone ho araba eo.

72 Empa letsatsi le ile la ema. Ha le a ka la sisinyeha, le a bona. Hantle-ntle ke lefatše le ileng la ema. ’Me joale u re . . .

A re, “Lefatše le ile la ema.”

73 Ke itse, “U itse, ‘Haeba lefatše le ne le ka ema, le ne le lahlehela ke matla a lona a khoheli ’me bohle ba ne ba tla oela.’ Joale u tla etsa’ng?”

74 Ke mohlolohali. Amen. Molimo o thibetse lefatše lohle ho phikoloha, amen, hobane motho o itse, “Ema moo, ho fihlela ke loana nto ena.” Hoo ke mohlolohali. Amen.

75 E ne e le mohlolohali mohla mabotho ohle a Iseraele a thibeletsoeng sekhutlong, ’me ba tšaba seqhobane sa senatla se emeng mono, se bitsoang Goliathe. ’Me teng makhotla a Iseraele, Saule ea koetlisitsoeng hantle, hlooho le mahetla holim’a lebotho lohle la hae, ’me a reketla lieteng tsa hae. Ha ho motho ea ka tsebang ho khahlana le phephetso ea monna enoa oa letsatsi leo.

76 Ha tla ngoana e monyenyanane, a batla a le mokhubetsoana, ea lekokoto, a le boima ba liponto tse ka bang mashome a robong, a itlamile ka letlaloana la nku joalo. A re, “Lihlong ho lebotho

lena la Molimo o phelang; ho ema mona le ho tlohella Mofilista eo oa leqai ho nyefola makhotla a Molimo o phelang.”

<sup>77</sup> Mohla lentsoe le ne le fihla ho Saule, Saule o itse, “Ha u letho u mpa u le mocha, ’me eena ke mohlabani esale le bocheng ba hae. ’Me o ngoana, ’me sheba seo a leng sona. Khele, u ke ke oa ema khahlano le eena.”

<sup>78</sup> Empa o ile a nka eng? Ha a ka a nka lerumo, ha a ka a nka sabole, empa a nka letjeketjane. ’Me sebaka se le seng feela se neng se ka otlala seqhobane seo, e ne e le phatleng hantle, moo lihlobo tsa hae li neng li koahela sefahleho sa hae ho pata mahlo a hae. ’Me lefika leo, ’me e le sebaka se selelele ho tloha ho lerumo la nale la maoto a leshome le metso e mene a neng a le tsoere letsohong la hae; le ne le fapohile ka botlalo, a ka be a thonakile Davida e monyenane a mo etsetsa ntho efe, a mo fanyeha sefateng, joalokaha a tsoitse, ’me linonyana li je setopo sa hae.

<sup>79</sup> Empa ha etsahala ’ng? Mohlolohali oa hlaha, mohla Molimo o nong o nka mothoana ea mokhubetsoana a sa shebehe ha kaalo, ho hang, e se le lesole le koetlisitsoeng, ngoana feela ea nang le tumelo ho Eena, ’me a hlabisa naha eohle lihlong. Molimo o e entse ka mohlolohali.

<sup>80</sup> Amen! E sa ntse e le Molimo, bosiueng bona, oa mohlolohali, joaloka ha A entse mohlang oo.

<sup>81</sup> A ferekanya lebotho lohle merusung. Ba bone seo, ’me ba qala ba matha ’me ba tloha, hobane ba bone ka ho thakanyana leo e le tumelo ho Molimo Ea neng a ka fetola tlhaho eohle, ho etsa sohle seo A batlileng ho se etsa, ha motho a lumela Lentsoe la Hae. Ruri. Ke lumela hore e ne e le mohlolohali.

<sup>82</sup> Moshe, monna e moholo oa sesole ea lekileng ho loela Iseraele, ’me a sa e etse. A batlile ho timetsa Baegepeta. A timetsa monna a le mong, ’me a kena khathatsong ka eona, a e etsa ka thato ea hae. Empa eaba o tsoara molamu, thupa ea khale e ommeng lehoatateng, a bolaea lebotho lohle. Amen. Haeba e se mohlolohali oo, ha ke tsebe lebaka. Eitse ha a otlanya lere leo holim’a leoatle, ’me a laela leoatle ho koaleha; ’me o bolaile Egepete, sechaba sohle, khetlo le leng, ka molamu letsohong la hae. Amen.

<sup>83</sup> E ne e le mohlolohali, kamoo a tsamaisitseng Iseraele lefeelleng, ’me ka lilemo tse mashome a mane. ’Me eitse ha ba tsoa, keha ho se motho ea fokolang hara bona. Ke mohlolohali oo. E, monghali. E ne e le monna e mokakang, seo Molimo a mo etselitseng sona, hobane o lumetse Molimo! E ne e le mohlolohali. E, monghali.

<sup>84</sup> E ne e le mohlolohali, ha Molimo o khetha monnana a le mong, ea bitsoang Mikea, ka pel’a baporofeta ba makholo a mane ba koetlisitsoeng ba Iseraele, hobane monna enoa o ne a

ikemiselitse ho tiisetša Lentsoe la Molimo mohla sera sohle se emang khahlano le eena.

<sup>85</sup> Athe makholo a mane a itse, “Ah, nyoloha!” A re ho Akabe le Josafate, “Nyoloha, Morena o na le uena. Re sa tsoa fumana tšenolo. Morena o na le lona. Nyolohang, le tla ba sutumeletsa hole le naha ea rona, hobane ke ea rona. Molimo o re file eona. Joshua o arotse mafatše, ’me lena ke la rōna. ’Me Bafilesta ke bao holimo mono, ba ntse ba eja poone masimong a rona. Khele, ha se mabaka, tšenolo ea rōna e lokile.”

<sup>86</sup> E ntano ba kamoo Molimo a khethileng monna e monyenyanane ea kang Mikea, ea neng a sa khone le ho kena seleaneng, empa o tlile mono ka Lentsoe la Morena. ’Me a re, “Nyoloha, empa ke bone Iseraele e qhalane joaloka linku tse se nang molisa.” E ne e le mohlolohali, kamoo Molimo a neng a ka emisa seeshana se sa reng letho ka ntle mono har’a sehlophahali sa baporofeta ba makholo a mane, sa baporofeta ba Iseraele, baporofeta ba Bajuda ba emeng mono ba porofeta bohata. Mikea o tsebile joang hoba o ne a nepile? Hobane o ne a nepile ka Lentsoe. Elia o boletse ntho e tšoanang e tla etsahala; ’me o ne a ka hlohonolofatsa se rohakiloeng ke Molimo joang? E ne e le mohlolohali, empa Molimo o e entse. Ruri e ne e le oona.

<sup>87</sup> E ne e le mohlolohali; ha moshanyana e monyenyanane, ea kang o salifetse ka thaponyana tse supileng tsa moriri tse lepeletseng hloohong ea hae, ’me mohlomong a li thatetse ribone, sohle seo ke se tsebang, joaloka ausinyana. Lebitso la hae e le Samsone. ’Me mohla tau, e batlang e le lipondo tse makholo a mahlano, mohlomong, tau ea puruma ea ema khahlano le eena, eaba ka matsoho a hae o harola tau eo ka lehare. Amen. Empa le shebe se hlahileng? Moea oa Morena o theohetse holim’a hae, pele.

<sup>88</sup> Ke sona se hlahisang mohlolohali. Ke sona. Mohlolohali o joalo o tla hotetsa arena ena, bosiueng bona, ka khanya ea Molimo. Hola lerato la Morena le ka lumelloa ho theohela holim’a batho, ba ne ba tla rapela. Mohlolohali, ruri. Ee.

<sup>89</sup> Mohla Samsone a neng a bolaea tau eo, ka matsoho a hae a sa roala letho, a e harola; moshemane e monyanane, oa ’misinyana ea lithaponyana tse supileng tsa moriri o lepeletseng mokokotlong oa hae.

<sup>90</sup> E ne e le mohlolohali ha a ne a nka mohlaare oa mulete oo, ’me a batolaka lihlooho tsa Bafilesta ba sekete. Athe, liheleme tseo tse kholo le lijase tse kholo tse maqephe, holim’a borase bo ka ba boima ba lipondo tse lekholo, kapa haufi le eona, lithebe tse kholo le lintho tse joalo, marumo, monna ea koetlisitsoeng hantle, ’me heleme e ka bang botenya ba inchi le halofo, ea koporo, e theoaha eba e nyoloha, ’me e le ifahleho tsa bona feela. ’Me Samsone a ema mono ka mohlaare oona oa mulete, esale o rapletse mono lilemo tse ka bang mashome a mane, tse mashome a mahlano. . . [Sekheo lebanteng—Mohl.] Lehoatateng, o omme.

Hantle, kotlo e le 'ngoe khahlano le sekotoana sa tšepe se kang seo e ka be e o pshatlehile likotoana tse milione. Empa a ema mono, ke eona feela ntho, a laetsoe ho loana le ho falatsa naha eo. O ile a hlalisoa 'me a tsoalloa ho bolaea sechaba seo. Allelua!

<sup>91</sup> Hola kereke e ka elelloa feela lebaka la lona mona! Hola kereke ea Pentekosta e ka elelloa lebaka la lona mona! Ebe u bapisa eng? Hobaneng u tsoile linthong tsena ho ba seo u leng sona?

<sup>92</sup> O tsebile seo a tsoaletsoeng sona. O tsebile moo a emeng teng. Ntho a neng a e tšoare letsohong la hae e sa etse phapang. A ema mono, 'me eare ha Bafilesta bao ba fihla, le kotlo e matla eo, ea seeshana seo se emeng holim'a lefika, ho ba otlala holima lihlooho tsa sona, ha ba mathela holimo mono, o ne a lahla e mong ka nqa e 'ngoe, le e mong ka nqa e 'ngoe. 'Me mono keha ho robetse sekete sa bona, se rapaletse mono se shoele. E ne e le mohlolohali, ka moo mulete oo, mohlaare o khonneng ho mamella. E ne e le mohlolohali, kamoo sekotoana seo sa lesapo le romotsehang se ka phunyeletsa lihelemete tseo tsa borase tse botenya ba inchi 'me a bolae Bafilesta bao, sekete sa bona. 'Me a 'na a ema mono a se kokositse letsohong la hae, hantle feela joaloka ha a ne a o thonaka. E ne e le mohlolohali. Amen hape amen!

<sup>93</sup> E sa le Eena maobane, kajeno, le kamehla. E sa ntse e le Molimo oo, ho monna ofe ea bilelitsoeng ho nka Lentsoe la Molimo. Molimo o tla ema le eena ha e se lekoala. Samsone a ka be a mathile, empa ha a etsa joalo. Hantle.

<sup>94</sup> E ne e le mohlolohali, mohla Molimo o bitsang Johanne Mokolobetsi, mora oa moprista, ea tsoang sekolong se sehoho sa baprista, seminari e kholo. Hobane'ng e sa latela? Etsoe, e ne e le moetlo hore batho ba sale moetlo oa bontata bona morao. Khele, e ne e le mohlolohali, mohla Molimo o no o isa Johanne feelleng, ho 'molella seo Messia a tla ba sona, ho 'molella seo pontšo ea Messia e tla ba sona, kamoo a tla e tseba. Sebakeng sa ho kena sekolo, ho ithuta seo Messia a tla ba sona, Molimo oa mo isa feelleng ho 'molella seo Messia a tlang ho ba sona. E ne e le mohlolohali o moholo, ho batho bao tsatsing leo. Ee.

<sup>95</sup> Mohla tsoalo ea moroetsana e ne e etsahala, e ne e le mohlolohali; kamoo Molimo, a tle a Itsebise motho, oa fetoha motho. Kamoo Molimo, Moea o moholo . . . Molimo, ho 'na, o ne a le teng pele; ho se le leseli, ho mochochonono, ho se e—e—athomo, molekule o le sieo, mono—mono—mono ho se letho, 'me sohle e le Molimo. E, O moholo hakaalo. O tloha Bosafeleng, ho ea Bosafeleng. Esale E le Molimo. O tla lula e le Molimo. Le kamoo e moholo ka ho fetisisa bophelong bohle a fetohang Kokoana e nyenyane, e sa tsebisahaleng ka popelong ea mosali, ho ipelsa molao oa Hae ka Sebele, ho lefella kotlo ea molao oa Oona, lefu; kamoo Molimo o bonahetseng nameng, kamoo Molimo o moholo oa Leholimo o fetotseng semelo sa Oona, ho

tsoa ho Molimo, ho fetoha motho, ka tsoalo ea moroetsana, ha ho motho ea ka e hlalolang.

<sup>96</sup> Mahlale a ke ke a u bolella kadoo tsoalo eo ea moroetsana e neng e le kateng, empa Molimo o e entse. O tlile. Ha ho mang ea khonneng; mang le mang o tsoetsoe ka bong. Joaloka re- . . . monna a le mong joaloka ba bang bohle, ho se ea ka thusang e mong. Bohle re ne re le mathateng. 'Me eaba Molimo ka Sebele o a theoaha 'me a tsoaloe, e seng ka Mojuda, e seng ka Molichaba, empa Mali a Hae e ne e le Molimo. Mali a tsoa ho seng sa banna. Lebakeng lena, e ne e le Molimo, Molimo 'mopi, o bopile sele ea Mali ka popelong ea Maria, le ho Ikahela tabernakele eo ka Sebele a theohileng 'me a phela ka ho eona.

<sup>97</sup> “Molimo o no o le ka ho Krete, o khutlisetsa lefatše ho Eena.” Lona lentsoe *Krete* le bolela “Motlotsuo.” Oh! E ne e le Molimo, Molimo botlalong ba Oona o ne o ahile ka ho Eena. Amen. “'Me ka ho Eena botlalo ba BoMolimo bo ne bo ahile ka 'mele.” E ne e le mohlolohali. E ile ea tarakanya batho tsatsing leo, “Uena u leng motho, o Iketsa Molimo.” E sa ntse e etsa joalo. Empa ka ho tsoana, e sa ntse e le mohlolohali o tsoanang o tsoellang pele. E ne e le Molimo. E sa ntse e le Molimo. O tla lula e le Molimo. E, monghali. Esale Eena maobane, kajeno, le kamehla. E, monghali.

<sup>98</sup> Tsoalo eo ea moroetsana e ne e le sephiri ho batho, ba ne ba sa e utloisise, joaloka ha Tsoalo e ncha e etsa kajeno. Tsoalo e ncha ke sephiri ho batho. Ha ba khone ho e utloisisa. Ha ba tsebe seo u se bolelang. Ba e nyenyefalitse, ho e theoia, ho re, “Be, kahobane feela u lumela ho hong.” Matemona a lumela hona hoo, 'me a thothomela. Ha se seo u se lumelang; ke seo Molimo ka tsoanelo o se entseng. Tsoalo e ncha ke tsoalo. E ne e le ncha. E ne e le mohlolohali, mohlala Molimo o neng o hlahisetsa morabe oa batho Bophelo bo bocha. Ho e hana, ke karohano ea Bosafeleng. Ho e amohela, ke Bophelo Bosafeleng. U na le . . .

<sup>99</sup> U beiloe holim'a motheo o tsoanang le oa Adama le Eva. U ka nka . . . Ha Molimo a u bea holim'a ntho e 'ngoe esele, ekabe'ba hase toka ho Adama le Eva. Adama e bong le e mong le Eva, bosiuung bona, ka pel'a bona ho beiloe botle le bobele. U ka etsa khetho ea hau. U ka nka Lentsoe la Molimo kapa oa tlohela Lentsoe la Molimo. U ka nka Lentsoe la Molimo kapa oa amohela litumeloana tsa hau tsa bolumeli ka Lona. U ka nka mehopolo ea hau ea sejoale-joale ka seo e leng sona. U ka tsoaloe labobeli 'me oa tlatsoa ka Moea o Halalelang, ho seng joalo u ka teoa ke kereke, efe feela eo u batlang ho ba eona.

<sup>100</sup> “Ho 'na ho phela ke Krete.” Alleluia! Ke lumela oona Molimo o theohileng ka Letsatsi la Pentekosta, holim'a Kereke ea Hae, joaloka Topallo ea Mollo, le ho Ikarola, ka maleme a arohaneng, har'a batho ba Hae, o teng mona bosiuung bona. Esale Molimo Oo e neng e le oona mohlantsoe oo, O teng kajeno, ka Moea o Halalelang

o tšoanang. Kea tseba ke mohlolohali. E ke ke ea hlaloso. Maikutlo, ho hlaba litlatse, ho lla, le joalo-joalo, e ke ke ea hlaloso, empa ke mohlolohali kamoo Molimo o e sebetsang. Ke Molimo o sa bonoeng o ahileng pelōng ea motho, ho Iponahatsa, ka ho nêfatsa Lentsoe la Hae, ho re, “Esale Eena maobane, kajeno, le kamehla.”

<sup>101</sup> E ne e le mohlolohali, ha mora oa 'metli, ea bitsoang Jesu oa Nazaretha, a nka libasekeiti tse hlano le hlapi tse peli, le ho fepa batho ba likete tse hlano. Haeba ho se joalo, ke batla ho bona motho a e etsa kajeno. Ke batla u ntlhalosetse hore O lokolotse atomo ea mofuta mong. O entse'ng? E seng hlapi feela, empa lihlapa e ne e hotse, hlapi e ne e faluoe, hlapi e hlatsuo, tlhapi e ne e phehiloe, tlhapi e ne e le sohle seo e neng e le sona, 'me bohobe bo ne bo lenngoe 'me bo holile; 'me kaofela ha eona ea fetoa mohoalotso, 'me Molimo oa e phethola—ho tloha ho tlhapi e phehiloeng ho isa ho tlhapi e phehiloeng. O mpile oa e melisa feela 'me Oa e ngoatha, 'me Oa e melisa 'me Oa e ngoatha, 'me Oa e melisa ho fihlela O fepa likete tse hlano. Amen.

<sup>102</sup> Ebe mocha oo oa tloaelo o bolelang: ho e ngoatha, ho e holisa; ho e ngoatha, ho e holisa; ho fepa, ho e melisa? Hoo ho bolela hore esale Eena maobane, kajeno, le kamehla. E sa le Molimo oo. E sa ntse e le Bohobe ba Bophelo ho motho ofe ea lapileng le ea nyoriloeng. U ke ke ua tima molemo oa Hae.

<sup>103</sup> Ba re, “Ha re hloke mehlolo, ha re hloke mohlolohali.”

<sup>104</sup> O ntse o eme. Ke lenaneo la Hae leo. Ke seo A leng sona. E sa le Eena maobane, kajeno, le kamehla. O emetse uena ho nanabela le ho nka kabelo ea hau. Na u tšaba ho e etsa? Na u ka mpa oa theohela nokeng oa u tšoasa hlapi, le ho leka ho e pheha le ho e halika ka mafura a kolobe kapa ho hong, kapa na ho molemo ho e nka ka tsela eo Molimo a e behileng kateng? Ako nanabele ka tumelo, le ho re, “Jesu, eena maobane, kajeno, le kamehla! Ke a tseka, Morena, ke lumela ho Uena. Kenya ka ho 'na lijo, matla, tumelo eo ke e hlokang.” Hlokomela 'me u bone se etsahalang. Ka pelo e tšepelang, O tla kholisa tlala e 'ngoe le e 'ngoe. O tla e etsa.

<sup>105</sup> Jesu e ne e le . . . ho etsa e . . . entse mohlolohali, mohla A fepang batho ba likete tse hlano, ka hlapi tse hlano, 'me—'me ba phuthile liroto tse peli, kapa liroto tse 'maloa, hamorao.

<sup>106</sup> E ne e le mohlolohali, ha Monna ka maoto a kang ao ke nang le oona le uena u na le oona, holim'a letša le kang Letša la Michigan kantle mona, mohla lifefo li pukang, 'me lihloho tse ts'oeu mohlomong li ne li . . .

<sup>107</sup> Be, haeba u kile ua fihla mono ua bona kamoo lifefo tseo li theohang, li sa e etsa le joale, ka mose ho Galilea mono, 'me e batla e tšoana le boeana tlase botebong ba leoatle le omileng. Ha seo se theoha ka mono, liphefo tseo tse tšabehang, 'me li qala li haola, 'me lihloho tseo tse soana tsa kolumetsa mokoroana ho



fihlela litšepo tsohle li fela. 'Me holim'a leoatle leo, moo ba neng ba soka sekepe, ho fuluha ho tloha mohlomong ka hora ea bone thapama, ke tla re, ho fihlela (ea ho qetela) tebelo ea bone, ho ella hora ea boraro kapa ea bone mesong. Ba ne ba sokilke bophareng ba leoatle hole hakakang! 'Me ba Mo siile ka lehlakoreng le leng. Amen.

<sup>108</sup> 'Me tebelong ea bone, ke enoa A etla, a tsamaea holim'a maqhubu. E ne e le mohlolohali. Ebe O khonne joang ho Ipebofatsa ho lekana? Ebe O ne a ka hata joang holim'a maqhubu ao, le ho tloha leqhubung le leng ho ea ho le leng? Maqhubu a maholo ao a khorohang, O ne a hloa holim'a le leng, le ho theoha hantle ka le leng, hantle holim'a le leng, ho se lerotholi la metsi holim'a Hae. Ho tla, ho tsamaea holim'a maqhubu! Ntlhalosetse eona, 'me u ke ke oa khona. E ne e le eng? E ne e le mohlolohali, ruri.

<sup>109</sup> E ne e le mohlolohali, mohla Petrose, eo A eso 'mone bophelong ba Hae, lebitso la hae e le Simone, a kena ka pel'a Sefahleho sa Jesu Kreste, hobane moena oa hae Andrease a 'moleletse hore E ne e le Messia. 'Me eitse ha Jesu a sheba monna eo sefahlehong, khetlo la pele A kileng a 'mona, le ho re, "Lebitso la hau o Simone, 'me u mor'a Jonase," ke mohlolohali oo. Haeba ho se joalo, mpoelle kamoo A e sebelitseng. E ne e le mohlolohali.

<sup>110</sup> Hobaneng? Hobane, Ke Lentsoe. 'Me Bible e itse, "Lentsoe la Molimo le bohale le fetisa sabole e leolitsoeng ka nqa tse peli, 'me le senola mehopolo le merero ea pelo." Hoo ho kholisitse hoba E ne e le Lentsoe, amen, "Eèna maobane, kajeno, le kamehla."

<sup>111</sup> E ne e le mohlolohali, mohla Filipi a potileng leralla 'me a fumana Nathanaele, le ho mo khutlisetsa ka pel'a Sefahleho sa Jesu, 'me Jesu a 'molella moo a neng a le teng maoba. E ne e le mohlolohali, amen, ho bontša hore E ne e le Lentsoe. "Bonang Moiserale eo ho seng mano ho eèna."

A re, "U ntsebile neng, Rabbi?"

<sup>112</sup> A re, "Le pele Filipi a u bitsa, u sa le tlasa sefate, Ke u bone." Mohlolohali. Amen.

<sup>113</sup> E ne e le mohlolohali, ha rakhoebo e monyenyanane, oa motse oa Jeriko, moseholli oa Morena Jesu, a hloa sefate sa sikamora, ho ipata, ho Mo bona a feta. 'Me Jesu oa Nazaretha ha a kena, a theoha ka seterata, a ema hantle tlas'a sefate moo a neng a le teng, a ema mono a mo bitsa ka lebitso la hae, "Sakea, theoha. Ke ea le uena ho ja lijo." Mohlolohali! O ne a eso bone monna eo, matsatsi 'ohle a bophelo ba Hae. A eso mo bee leihlo.

<sup>114</sup> E ne e le mohlolohali, holim'a mohlomong makholo a 'maloa a batho, ee, mohlomong ba leshome le metso e mehlano, batho ba makholo a mashome a mabeli ba tsoang motseng oa Jeriko, ba soma ka Eena, le ho Mo tšeha, ha A ne a tloha motseng oo thapama eo, kapa hoseng hoo, ke rialo; ha A ntse a tsoela kantle ho motse, mohla batho ba Mo tjebang ka meroho e butsoitseng

ho feta tekano. 'Me ke utloa moprista a re, "Hela, ba re U tsosa bafu. Hela, Uena moporofeta, Uena ea Ipitsang moporofeta! Bao, mona re fumana mabitla a tletseng bona, monna feela, monna ea lokileng, moprista joaloka 'na; nyolohela mona, ba tsose. Tloo re U bone u tsosa bafu." Ba bile ba sa utloe lentsoe leo ba le buileng, e mong a hloliea ntho e 'ngoe, le e mong e 'ngoe.

<sup>115</sup> Empa morao koana pel'a lebota, lijarete tse ka bang makholo a mabeli le mashome a mahlano, mokopi oa khale ea futsanehileng a thothomela serameng moo, ka limou tsa matsoho a hae, ho re, "Oho Jesu, Uena Mora Davida, nkutloele bohloko," le ho Mo emisa mehlaleng ea Hae. Allelua! Pitso e tsoang ho Joshua, e se hole haholo, e se e—e se limaele tse leshome ho tloha moo A neng a eme teng hantle mono, a emisa letsatsi, tsatsi le leng. Empa mokopi oa batho a emisa M-o-r-a oa Molimo, a ema mehlaleng ea Hae ka tumelo ea hae, eona tumelo eo Joshua a bileng le eona. Amen. Hobane, o tsebile, haeba E ne e le Mora oa Davida, E ne e le Messia ea bonahalitsoeng, 'me A ka busetsa pono ea hae. Mohlolohali! Oh, khili! Ruri, e ne e le mohlolohali. E, monghali.

<sup>116</sup> Molimo, e ne e le mohlolohali, kamoo Molimo a neng a ka fetoha motho, ho shoa. Molimo, Bophelo, Bophelo Bosafeleng, o ka fetoha Molimo (bophelo ba tlhaho) ho shoa, ho pholosa motho, ho mo busetsa Bophelong Bosafeleng. E ne e le mohlolohali, ka moo Molimo o moholo o tlatsitseng sebaka sohle le Bosafeleng bohle o ka theohang 'me oa fetoha monna, ho shoa ho pholosa hu-. . . popo ea Hae ka Sebele. Kamoo Molimo o ileng oa fetoha o mong oa libopuo tsa Oona ka Sebele, ho pholosa, hobane O bopile 'mele oa Hae ka Sebele. Jehova Ntate o ne a ahile, ka botlalo, ka ho Jesu Kreste Mora oa Hae. Jesu e ne e le 'mele oa Molimo. Molimo o ne a emetsoe ka tabernakeleng, nama ea Jesu Kreste, le kamoo Eo ea tlatsitseng sebaka sohle le Bosafeleng bohle a fetohang Monna a le mong. Amen. Le bona seo ke se bolelang? Mono, 'me Molimo o ne o ka etsa hoo, ho shoa, 'me, oh, e ne e le mohlolohali oo, ka bo-eona, kamoo A neng a ka Iketsa joalo ho utloa bohloko ba lefu bakeng sa morabe ohle oa batho.

<sup>117</sup> Empa, oh, ke mohlolohali o mokakang, ha Monna a ne a thakhisitsoe, a bolaoa, ha totometsoa lerumohali la Moroma, bophara ba li-inchi tse tšeletseng kapa tse robeli, ho phunya pelo ea Hae, 'me Mali le metsi tsa tšoloha. 'Me ba Mo tlositse sefapanong, a shoele, ba Mo phuthela ka—ka masela, ba Mo robatsa lebitleng. A shoa hona hoo molaoli oa lekholo oa Moroma a itseng O shoele, motho e mong le e mong mono o itse O shoele, khoeli e Mo tlalehile a shoele, linaleli li Mo tlalehile a shoele, letsatsi le Mo tlalehile a ne a shoele, lefatše le ne le khahlotsoe ke methapo, le itse O shoele. 'Me ka letsatsi la borarō, a ka boela a tsoha, a sa busoe ke lefu, ho tsoa lefung. Ke mohlolohali oo. Amen. O itse, "Ke na le matla a ho beha bophelo ba Ka fatše; Ke na le matla a ho bo tsosa hape." Mohlolohali oa makhonthe oa

Molimo, tsoho ea Hae e ne e le oona.

118 E ne e le mohlolohali, oa Molimo, mohla Jesu a neng a khetha batšoasi ba lihlapi, un- . . . sebakeng sa baprista ba koetlisitsoeng, ho jara molaetsa oa Hae. Ea ka re, ha A fihla, A ka be a tlile ho Bafarisi ba baholo le Basadusi, 'me a re, "Baena, ke lona banna bao esale ho theoha le mengoaha ba bolokileng mokha ona oa bolumeli o hloekile. Ke tlile ho le lata joale. Bontata lona ba tla ba motlotlo ka lona, ha ba ka nyarela ka lipaka tsa Leholimo," kapa hohle moo ba neng ba le teng. Kea e belaela. (Jesu o itse, "Le bana ba ntata lōna, liabolosi.") "Ka hona le ho nyarela fatše, ho re, 'Be, re tla thaba.' Ba ne ba tla thabela ho tseba sena. Ke tlile joale ho tla nka moo bohle le e fihlisiseng teng."

119 E ne e le mohlolohali, mohla A ahlolang e mong le e mong oa bona 'me a ba bolella hore e ne e le bana ba liabolosi, le ho theohela Leoatlang la Galelea le ho thonaka batšoasi ba sa balang ba lihlapi ba sa tsebeng le ho ngola lebitso la bona, le ho ba nea linotlolo tsa 'Muso oa Leholimo, sebakeng sa ho nea Kaiafa, moprista e moholo. Monna o ne a ka khona joang, nqa bolumeli bo lekioleng, seo ba se hopotseng se lekiloe, meetlong ea bona le lintho ho boloka lintho tsa Molimo, 'me ke enoa A etla 'me a khetha sehlopha se seng tlase koana nokeng, athe batho ba koetlisitsoe, 'me ba rutehile, 'me ba fetile likolesheng tsa thupello, le likolong, le ntho e 'ngoe le e 'ngoe esele, joale O khutla hang feela 'me a iphapanya seo, 'me a qotsa ralihlapi ea sa balang a mo nea linotlolo tsa 'Muso? Amen.

120 Se etsang mohlolohali keha motho a lumela Molimo 'me a Mo nka Lentsoeng la Hae. Lentsoe la Molimo le buile lefatše la eba teng. Le tlameha ho lumela hona hoo, bosiueng bona, ke Lentsoe la Molimo la pallo.

121 Shebang mosajana eo oa batho ea emeng selibeng mono. A re, "Re a tseba mohla Messia a tlileng, O tla re bolella lintho tsena." O ne a 'moleletse bothata ba hae. A re, "Monghali, kea lemoha hobane U moporofeta. Rea tseba Messia mohla a tlileng, O tla re bolella lintho tseo." Shebang.

122 Molimo o bua le sehlola. Khanya ho Molimo! Molimo o bua le seotsoa, amen, le ho kopa mohau, "Mphe metsi." E nahaneng. Le bua ka mohlolohali!

123 'Me ke mohlolohali o mokakang oo peō eo ea Bophelo Bosafeleng, e neng e roere pele lefatše le theoa, e ka bokellanang ka nthong e kang eo; ka takatso ea nama, kamoo mosali-moholo eo oa batho, mohlomong a lahletsoe, tlase pelong ea hae o ne a reretsoe Bophelo Bosafeleng.

124 Mohla Konyana e ne e hlabjoa pele ho theoa lefatše, ho latela Biblele, mabitso a rōna a ngotsoe Bukeng eo. Jesu o itse, "Ha ho ea ka tlang ho 'Na a sa huloe ke Ntate oa Ka, 'me bohle bao Ntate a 'Neileng bona ba tla tla." Hasa Leseli feela!

<sup>125</sup> Shebang mohla Leseli leo le chabelang baprista bao le lihlalefo tsohle tsa bona. Ho etsahetse 'ng? Ba itse, "Ke Belsebule, senohe, liabolosi."

<sup>126</sup> A re, "Le bana ba ntata lona, Liabolosi." Ke hona moo e tsoang teng.

<sup>127</sup> Empa mohla mosali enoa e monyenyanane, ea sa hloekang a buang le Molimo, 'me peō eo e reriloeng e ne e ka ankoroa joang ka har'a e—e motho ea soto joalo? Ke mohlolohali. Empa hlokomela ha Leseli le e otlā. A re, "Monghali, ke a bona hobane U moporofeta." Joale, moporofeta, ke hona moo Lentsoe la Morena le tlang teng, ho moporofeta, ua bona. 'Me e ne e le sebe sa hae seo, 'me Eèna moporofeta o ne a tšoere Lentsoe. Eaba o re, "Kea lemoha hobane U moporofeta. Joale rea tseba Messia mohla a tlang, O tla etsa lintho tse na."

A re, "Ke 'Na, ea buang le uena."

<sup>128</sup> Moena, a siea nkho eo, 'me a tloha. Bopaki ba hae ba pholosa motse oa habo, Sikare. Joale oo e ne e le mohlolohali, mohla Molimo, mohla Jesu a neng a etsa hoo. E, monghali.

<sup>129</sup> E ne e le mohlolohali, ha Molimo o ne o kenya Moea oa Hae ka ho mapentekosta, boralihlapi ba sa rutehang, sebakeng sa Kaiafa moprista e moholo. 'Me, oh, kamoo A beileng Evangeli ea Hae! E ne e le mohlolohali, ha Molimo o khetha tsela e bitsoang "bothoto, bohanya," batho ba thekesela, le ho tlolaka le ho itšoara joalo, le ho itšoara se sa mahlanya. Ba ba bitsitse "lehlanya." Ke mohlolohali, ha Molimo o feta masinagoge a maholo mohoalotso, makhotla a maholo a Sanhedrine le baprista ba baholo ba rutehileng, le ho nka sehlopha sa ba sa tsebeng letho, batšoasi ba lihlapi ba sa rutehang ba sa kang ba tseba letho haese ho lumela ho Eèna feela le ho nka Lentsoe la Hae, le ho bona liphetho. 'Me ho khahlile Molimo ho feta mohoalotso seo ba se bitsitseng ntho e halalalang ka ho fetisisa lefatšeng, ho thonaka sehlopha sa "matlakala a tlase," se bitsitsoeng joalo, le mokhoa oo ba neng ba rapela, o bitsoa "bokhelohi," ho etsa tsela ea pholoho. Ee. Joale, eo ke 'nete, u ke ke ua e latola. Pauluse o itse, "Ka mokhoa o bitsoang 'bokhelohi,' ke rapela Molimo oa ka joalo, Molimo oa bontata rōna; mokhoa o bitsoang 'bokhelohi.'" E.

<sup>130</sup> E ne e le mohlolohali, mohla Topallo eo e kholo ea Mollo e theohang Leholimong, Lengeloi la Morena, Topallo ea Mollo e eteletseng bana ba Iseraele pele lefeelleng. E ne e le mohlolohali, o buileng le Moshe kantle mono sehlahleng se tukang. 'Me e ne e le mohlolohali. 'Me lilemo tse makholo a robeli hamorao. . . le ho latela Lengolo, ho Santa Johanne 8:58, ha u batla ho tseba moo e leng teng. Le batla ho tseba moo e qalileng, pele, e ne e le Exoda 13:31. 'Me e ne e le mohlolohali, mohla, ka mor'a leeto leo lohle le nako eo eohle, mona Jesu o boletse, ho re, "Pele ho Abrahama,

KE TENG.” KE TENG e ne e le sehlahleng se tukang. KE TENG e ne e le Ea buileng le Moshe.

<sup>131</sup> E ne e le semaka, ka mor’a lefu la Hae, kepele, le tsoho, ’me Saule, Mojode-nyana eo, ea nko e khopo, a le monyemo, le mabifi a tlokomang, esita le ho bolaea litho tse ling tsa Kereke, tseleng ea hae e theohelang Damaseka ho tlama batho bao, ’me tlase mono ba ena le moporofeta ea bitsoang Ananiase, ’me a le tlase mono a ba porofetela, moporofeta oa Morena, ea ba bolellang Lentsoe la Morena, hoba O tlile ho eèna, ’me eareha Molisa Ananiase a sa theohile ho porofeta, Saule a theoha ho ea mo tsoara, ’me hantle bohareng ba letsatsi eona Topallo eo ea Mollo e theohileng e tsamaisitse Iseraele, ea lihela Saule mobung, ’me batho bohle ba eme ka mathoko ba sa E bone, empa E ne e phatsima ho Pauluse hoo E bileng ea mo foufatsa mahlo. Amen. O ne a foufetse. E ne e le ’nete ho eena, ’me ba bang bohle ba sa E bone. Ke mohlolohali. Khele! Oh!

<sup>132</sup> Seo litho tsa kutlo ea motho e mong li neng li ka se bolela, li ka se bolella e mong. Lebaka leo batho ba ka lulang ka hara—ka hara kopano, ’me ba sheba mosebetsi oa Morena, le ho ema le ho tsoa, le ho soma ka Oona; ’me e mong o itsoarella ka Oona, ka pelo ea bona eohle. Ke mohlolohali, kamoo Molimo a neng a ka etsa batho, ka nama e tsoanang. Ke mohlolohali, ho bona kamoo Molimo a e sebetsang kateng, esita le tsatsing lena. E ne e le mohlolohali ho Pauluse.

<sup>133</sup> Le a tseba, Pauluse ha eso bone Jesu ka sebopeliso sa ’mele. O ile a tlameha ho amohela tšenolo joalokaha Petrose a entse. Petrose ha a tseba Jesu ka sebopeliso sa ’mele.

A re, “Ke le Mora motho batho ba re Ke mang?”

<sup>134</sup> “Ba bang ba bona ba itse, khele, U ‘Moshe, ’me ba bang ba re U ‘Eliase,’ le ‘Jeremia.’”

A re, “Ha se seo Ke se botsitseng. U reng?”

Petrose a re, “U Krete, Mora Molimo o phelang.”

<sup>135</sup> A re, “U lehlohonolo uena, Simone, mora Jonase. Ha se nama le mali tse u senoletseng eona, empa ke Ntate oa Ka ea Leholimong ea e senotseng. ’Me holim’a lejoje lena, Ke tla haha Kereke ea Ka, ’me likhoro tsa Lihele li ke tsa E hlola.” Ke moo, mohlolohali. Mohla A neng a eme mono, ’me a sa Mo tsebe ka nama ea motho; empa o Mo tsebile ka mesebetsi ea Hae le tšenolo, ho ’Mona a phethahatsa hantle seo Lengolo le leng sona.

<sup>136</sup> Ke ’ona mofuta oa mohlolohali o ntšang monna tumeloaneng ea khale e batang e tsitsipaneng, ho kena ho Molimo o phelang. Ke mohlolohali, ho bona monna eena eo a bala Bibeले eona eo, ’me a E latola, athe e mong o tla E lumela ’me a amohele bopaki ba eona. Yaa, ke mohlolohali, ha a ka E bona e sebetsa ho thaka le leng, ehlile o tlameha ho tseba hobane ke Molimo oo. Tumeloana ea hae e fosahetse, haeba e le khahlano. Ha Molimo

o netefatsa Lentsoe la Hae, etlaba tumeloana ea hau e fosahetse. Amen. Ha kea ikemisetsa ho khohlalala hakaalo, empa ke 'Nete, mohlolohali.

<sup>137</sup> Ke itse, “Metsotso e mashome a mararo,” 'me ke eona hantle. Ke tsoere maqephe a ka bang a tšelela a lintlha mona. Mohlolohali, na le lumela ho 'ona? Amen, ke lumela ho 'ona. 'Me ke tla emisa.

<sup>138</sup> E re ke u bolelle ho hong. Mamelang. Nakoana e fetileng mona, tlase Boroa, moo ke tsoang teng, ke ne ke tsoere lebejanapo, tsatsi le leng. Motsoalle oa ka oa khale oa rak'hemisi, mohalaleli oa khale ea tsoetsoeng labobeli, e ne e le monna oa sebele. Ke ne ke qetitse khale ho 'mona, 'me ke ne ke feta motseng, 'me ka ema ho 'mona. 'Me ka bona lebitso la hae holimo mono, 'me ka nahana, “Be, mono, o tsoere khoebo ena mona, 'me o qetile lilemo mono.”

<sup>139</sup> Ka nyoloha, ka kena, 'me keha e le eo, a lutse mono, a shebile fatše holim'a ligalase tsa hae tse nyenyane, le a tseba, a shebile holim'a ligalase tsa hae tse nyenyane li leketla lerameng la hae. 'Me a re, “Be, haeba e se Moena Branham!” 'Me a phahama, 'me a tla a nkopela ka liphaka tsa hae, 'me a tla ho mphathatsa. A bolella mora oa hae, a re, “E—ea u re batlele, lebejanapo.” Keha re eme mono. “Na u batla lebekere la kofi?”

<sup>140</sup> Ka re, “Che, monghali. Nka qoqa le uena hofihlela lefu, ha ba ka mpha kofi.” Ka re, “E a mpherekanya.” Ka re, “Ke tla nka lebejanapo.”

<sup>141</sup> Ka hona, re fumana lebejanapo. 'Me—'me banana bao morao mono, le joalo-joalo, ka levenkeleng, 'me ra lula 'me ra tsoara lekomo nakoana la lebejanapo.

<sup>142</sup> A re, “Moena Branham, ke—ke batla ho u bolella taba.” Ho re, “Esale ke—ke le lesisitheho ho bolella batho ba bang.” Ra qoqa ka Morena le molemo oa Hae. 'Me mothaka oa khale lla, likeleleli li theoha marameng a hae, 'me a re, “Ke—ke batla ho u bolella taba.” Ho re, “E—e ka bonahala e makatsa ho—ho uena,” a re, “empa ke lumela motho ea kang uena a ka e utloisisa.”

Ka re, “Be, qhoba, moena. Ke eng?”

<sup>143</sup> A re, “Morao mehleng ea sekoboto,” a re, “mora oa ka ea hlooho e putsoa mono e ne e le mohlankana feela.” 'Me a re, “Re ne re le mona ka har'a—ka har'a khoebo ena,” 'me a re, “empa batho ba ne ba futsanehile 'me ba se na seo ba ka se jang. 'Me ho fuoa taelo, ho fumana moriana kapa ho hong, ba ne ba tlameha ho tlaha le ho ema moleng.”

<sup>144</sup> 'Me bongata ba lona le hopola seo. Ehlile, le etsa joalo. Ema moleng, ho fumana tumello hantle ho tsoa seterekeng, hore u tle u fumane lithethefatsi tse, kapa u fumane se joang.

<sup>145</sup> 'Me a re, “Ke ne ke lutse mona, tsatsi le leng, ke bala Bibebe ea ka, 'me, 'me,” ho re, “motho o kene monyako. 'Me mora oa ka

a ema, a le mocha, a nyolohela kapele.” Le ho re, “Ka mo utloa a re, ‘Che, re ke ke ra khona.”

146 Le ho re, “Ka mamela ka hloko. Ka bea Lentsoe la ka fatše ’me ka mamela ka hloko. ’Me monna a re, ‘Monghali, ’ a re, ‘mohatsa ka o se a tla akheha.” ’Me eitse ha a sheba, a re o bone mosali a le makhatheng a ho beleha lesea; banyalani ba bacha. ’Me mohlankanyana a re ho eena, “A re, ‘Ke—ke—ke ile ka ema moleng oo mono,’ ho re, ‘oh, bolelele ba boloko ba motse.’ Le ho re, ‘Mohatsa ka ha a sa khona ho ema mono hape.’ A re, ‘Kea ipotsa . . . Ke fumane lengolo la ngaka ho tsoa ho ngaka, o tlameha ho fumana moriana hang-hang.’ Ho re, ‘Na u tla e tlatsa, ’me ke tla mo isa hae, ’me ke tla ea ema moleng? Ke tla—ke tla fumana e—e taelo ea eona. Ha u ka . . .’

147 “’Me mora, moshanyana a re, ‘Monghali, taba eo e khahlano le melao mona. Rona, re ke ke ra khona.’

148 “A re, ‘Be, ke ne ke sa tsebe. ’ Ho re, ‘Ke u leboha, haholo, mora,’ a reteleha ho tsamaea.”

149 “’Me a re, eitse ha a qala a tsamaea, motho a re ho eena, tlase—tlase pelong ea hae, ho re, “Josefa le Maria ba ile ba lelekoa, ka mohla o mong, hape.”

150 Le ho re, “Ka phahama ’me ka re, ‘Bea butle, mora! Motsotso feela!” Le ho re, “Thaka leo la ema. ’Me ka tloha ka lata lengolo la ngaka, ’me ka potela morao moo ’me ka le tlatsa; a sa eme, a tšoare mosali oa hae ka letsoho. ’Me a hlile a akheha, o ne a itšetlehile lehetleng la hae feela.”

151 Le ho re, “Ka tsoela mono, ’me ka . . .” A re, “Ke masoabi ha ke loketse ho etsa sena, monghali.”

A re, “Ho itoketse.”

152 “O ne a inamisitse hlooho ea hae, ’me a le ntša feela.” ’Me eitse ha a le beha letsohong la hae, a re, “Moena Branham, ke bone Jesu.” Ho re, “Ka le beha hantle letsohong la Hae.” Ho re, “Moena Branham, ke eo moo A neng a le teng, hantle feela kamoo setšoantšo se e bontšang kateng.” Le ho re, “Ke—ke sa khone ho bua. ’Me monna a retoloha a tsoa moahong.”

A re, “U lumela seo, Moena Branham?”

153 Ka re, “Ke e lumela ka sohle se leng ka ho ’na. Ruri.”

154 Santa Martin oa Tours, haeba le kile la bala ka Santa Martin, e ne e le lesole. ’Me e ne e le—e ne e le oa hae . . . a latela mehlaleng ea ntata’e. Esale a utloa pitso ea Molimo. Feela, ke nahana, batho ba hae e ne e se balumeli ba sebele. ’Me tsatsi le leng o ne a tla . . .

155 E ne e le mariha a mabe, nalane e rialo. ’Me o ne a . . . Mokopi oa khale o ne a robetse khorong, ’me a bolaoa ke serame; le batho ba bangata, ba neng ba ka fepa monnamoholo eo, kapa ho mo fa liaparo . . . O ne a tsetsela, a phahamisitse letsoho la hae. Monna ea tsofetseng ea litelu, ea litsila ea robetseng khorong ea motse.

'Me o re, "Nthuseng, motho e mong. Ke—ke a hoama. Bosiung bona ke tla shoa. Motho e mong a mphe seaparo."

<sup>156</sup> Santa Martin a se a nehetse sohle seo a neng a ena le sona, kahohle. Eena feela, joaloka lesole, o ne a apere jase ea hae. O ile a ema lehlakoreng le le leng, 'me a shebella le ho bona haeba motho a ke ke a e etsa. Batho ba fihla ba 'me ba tsamaea, 'me ho se motho ea mo thusang.

<sup>157</sup> Eaba o nanabela holimo mono, 'me a sheba monnamoholo eo. O ne a mo utloela bohloko. A hlobola baki ea hae, 'me a tsoara sabole ea hae a e khekhetha. A itlamile ka karolo ea eona mahetleng a hae, a nka mokhekhetho o mong a phuthela mokupi oa khale ka oona, a tle a phele bosiu bohle, a tsoela pele ho tsamaea.

<sup>158</sup> Batho ba mo tšeha, ba re, "Ke lesole le qabolang hakakang, le apere mokhekhetho feela oa kobo."

<sup>159</sup> Bosiung boo, eare a sa robetse betheng, a phaphama. Motho o ne a kene phaposing. A sheba, a eme mose oane ho phaposi, 'me keha Jesu a eme mono a itlamile ka seaparo seo sa khale. A tseba ka seo.

<sup>160</sup> E ne e le monna, Santa Martini, e ne e le e mong oa banna ba kileng ba loana morao mane, bakeng sa Tumelo eo bahalaleli ba kileng ba e fuoa ka nako e 'ngoe. O lumetse mehlolo ea Molimo. O lumetse ho bua ka lipuo. O lumetse Testamente eohle e ngotsoeng ke baapostola. O lumetse 'me a E loanela, ha feela a ntse a phela, 'me Molimo o entse mehlolo. O tsebile, mohla a bonang mokōpi eo oa khale a itlamile ka seaparo sa hae, hore Lentsoe la Molimo le ne le phethiloe, "Seo le se etselitseng ba banyenyane bana, ba banyenyane ba Ka, le se entse ho 'Na."

U re, "Monna eo ha a e bona."

<sup>161</sup> Kea lumela o e bone. Kea lumela o e fumane. Kea lumela hore e teng mono. Kea lumela ke Jesu eo a neng a mo shebile. E ne e le tšenolo ea Molimo e bonahalitsoeng, hobane o phethisitse.

<sup>162</sup> Le bua ka mohlolohali, o mong o teng o a tla. "Mohla ba shoetseng ho Krete ba tsohang, 'me rōna ba phelang re tla fetoloa, ka motsotso, ka ho panya ha leihlo, ho nkuoa 'moho ho kōpana le Eena sebakeng." Ee.

<sup>163</sup> Oh, kamoo Molimo o bolokang Lentsoe la Hae mogoaheng ona oa hlalefo! Kamoo E leng oa maobane, kajeno, le kamehla! Ka moo A khonneng ho senola mehopolo ea pelō ea motho! Kamoo A ka khonang ho fetola motho! Le kamoo A ka bolokang lentsoe ka leng leo A le tšepisitseng letsatsing lena! E sa le Eena maobane, kajeno, le kamehla! Kamoo A ka bonahatsang le ho ba lumella ho katlatsa setšoantšo sa eona Topallo eo ea Mollo e latetseng Iseraele, eena Ea neng a ena le Morena Jesu, eena Ea neng a le tlase mono le Saule tseleng, eena Ea ileng a kena 'me a lokolla Petrose chankaneng! Lona Lengeloi leo la



Molimo le teng mona bosiueng bona, le ho etsa sona seo Le se entseng mehlang ea Lona mona lefatšeng le bonahatsoa nameng ea motho. Hobaneng? Esale Eena maobane, kajeno, le kamehla.

<sup>164</sup> Na le lumela mohlolohali? Ke lumela Molimo o batla batho ba lumele mohlolohali. Ke se ke tlotse nako ea ka. Ke lumela e ka ba mohlolohali hantle mona. Amen. Ke lumela hoba Molimo o ratile le ho batla ho nka batho ba Hae le ho Ipontša. Ha feela A ka fumana monna kapa mosali, moshanyana kapa ngoanana, ho lahla mehopolo ea bona, le ho fetōha mohōlehuoa ho Eèna le ho lumela ho Eèna.

<sup>165</sup> Ke Lentsoe la Hae. “Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le etsoe nama la aha har’a rōna.”

<sup>166</sup> ’Me joale O ka ho lona, tšepo ea Khanya, eena maobane, kajeno, le kamehla. O boletse, ho Santa Johanne 14:12, “Ea lumelang ho ’Na, mesebetsi eo Ke e etsang o tla e etsa le eena.”

<sup>167</sup> O tšepisitse, ho Santa Luka, ho re, “joaloka matsatsing a Sodoma,” mohla Kereke e khethiloeng, sehlopha sa Abrahamama, se ne se tla fuoa pontšo e kang eo Abrahamama a e amohetseng, ’me sehlopha sa Lota se ne se tla fuoa pontšo joaloka Lota ha a entse.

<sup>168</sup> Ho a makatsa ha re fumane bahlabolli bana bohle ba baholo, ba Luther le Wesley, empa ha re eso fumane monna kantle mono ea bitsoang h-a-m, moromuoa oa ka lefatšeng. G-r-a-h-a-m, ke litlhaku tse tšeletseng. A-b-r-a-h-a-m ke Abrahamama. Re bile le bo Moody, bo Sankey, Finney, le Knox, Calvin, empa e seng *ham* le ka mohla, “ntate lichabeng.” Re na le e mong joale. Ke mohlolohali oo. Na le tsebile seo? [Phutheho e re, “Amen.”—Mohl.] ’Me le shebe, o etsa hantle feela, ho ba biletsa kantle ho Sodoma.

<sup>169</sup> Empa, hopolang, Abrahamama o ne a fuee moromuoa holimo mono sehlopheng sa hae, le eena. Amen. ’Me O ile a etsa pontšo ea mofuta ofe, mokokotlo oa Hae o furaletse tente? Ho re, “Ke tla u etela ka nako ea tšepiso ea Ka, ho latela nako ea bophelo.” ’Me A re, “Mosali oa hau o kae, Sara?”

<sup>170</sup> Ho re, “O ka tenteng, ka mora Hau.” ’Me eitseha a rialo, Sara a tšeha.

<sup>171</sup> A re, “Sara o tšehile ke’ng, a re, ‘Lintho tsee li ke ke tsa eba joalo?’” Ua bona?

<sup>172</sup> Jesu o itse, “Joaloka matsatsing a Lota, ho tla ba joalo ho tlang ha Mora motho, mesebetsi eo Ke e etsang!” Lentsoe la Molimo le fetoha hoo. “Ekare ha le lula ho ’Na, Mantsoe a Ka a lula ho lona, kopang eng le eng eo le e batlang ea tsona, ’me e tla bonahatsoa ho lona.” Mohlolohali, ho bona tšepiso ea Molimo. . . tšepiso ea Molimo, e entsoeng lilemo tse likete tse peli, ’me likakanyo tsa kereke li huletse batho hole hakana. Empa har’a eona eohle, Molimo o theoha hantle ’me o phatlolela Lentsoe leo

hantle kahara kereke ea Hae hape, hantle feela. Ke mohlolohali. Le a Mo lumela na?

Ha re rapeleng.

<sup>173</sup> Ha batho ba le teng ka mona, bosiuong bona, ba ka batlang ho bona ho etsoa mohlolohali holim'a lona, le ho fetola pelo ea hau ho se lumeleng, ho ea tumelong ho Molimo, na u ka phahamisa matsoho a hau, le ho re, "Morena, nkhopole, nkhopole." Molimo a le hlohonolofatse. Oh, shebang matsoho feela!

<sup>174</sup> Ntate oa Leholimō, matsoho a mangata haholo, nke ke ka khona ho re "Molimo a le hlohonolofatse," e mong le e mong, empa Uena u ba tseba kaofela. Fetola monahano oa bona, Morena. Oh, e ke e etsahale, mohlolohali. Ba 'nile ba liila hohle ba iname. Ba lumetse ka 'moho, mohlomong. Mohlomong ba bang e ne e le litho tsa kereke, empa leha ho le joalo ha ba eso kopane le mohla ba fumanang tokoloho eo e phahameng, ba lumetse, le ho tseba hoba seo Molimo o se tšepisitseng, Molimo o ne o khona ho se etsa. Koana, re ipolela re le peō ea Abrahamama, ea sa kang a sisinyeha pallong ea Molimo ka ho se lumele, a mpa a ipha matla, a ntse a rorisa Molimo. Joale, Ntate Molimo, ke a U rapela, ka Lebitso la Jesu, ho ba hauhela.

<sup>175</sup> Oho Molimo, theohela har'a rona, bosiuong bona, theohela holim'a rona le ho re bontša hore U sa le Molimo oa mehlolo. Etsa mohlolohali, Morena, le ho bontša hore Lentsoe la Hau le sa ntse le khona ho senola mehopolo le merero ea pelo. U sa ntse u le eena Ea bonahalitsoeng kantle mono, eo Abrahamama a mo bitsitseng Elohim, Morena Molimo, 'Mopi, Rabokhoni-bohle, Ea leng teng ka Boeena. Oho Molimo, U sa le Molimo Mohlolehi, eena maobane, kajeno, le kamehla, 'me Mali a Mora oa Hau a halalelitse Kereke le ho E hloekisa. Hoo, Lentsoe, oh, hola feela ba Le amohetse ba sa sunye tumeloana, Morena!

<sup>176</sup> Empa, joale, O itse, "Ke 'na sefate sa Morara, lona le makala. Lekala le beha tholoana ea morara; bakeng sa bophelo ba morara, ba lekala, bo tsoa morareng." Re U leboha hakakang ka sena, Morena! E phethahetse hakakang!

<sup>177</sup> 'Me letsatsing lena la ho se lumele le litumelo-khoela, le—le litumeloana tsa mefuta eohle, leha ho le joalo U sa le eena Molimo ea emisiseng letsatsi bakeng sa Joshua. Esale Uena ea lutseng holim'a thupa eo Moshe a e otlolotseng holim'a leoatle. U sa le Uena ea ka bitsang linta, matsetse, lihoho, e ka bang eng, ka molomo oa Moshe. U sa le Molimo o ka nesang pula maholimong. Ke uena Ea tla nesa mollo o tsoang maholimong. E sa le Uena maobane, kajeno, le kamehla.

<sup>178</sup> Oho Morena Molimo, re bontše khanya ea Hau, bosiuong bona, ka ho pholosa le ho tlatsa motho e mong le e mong ea phahamisitseng letsoho la hae. Aba sena, Morena. E se be thapelo e 'ngoe ea maiketsetso feela. E se be mokhoa o mong oa boikhohomoso ho phahamisa letsoho la rōna, tlas'a tšusumetso

e nyenyane ea—ea ntho e itseng. Empa e ke e tsoe botebong ba pelo tsa bona, batho ba tle ba hooletse, “Oho Morena Molimo, bopa ka ho ’na tumelo e ka lumelang ho Uena le e ka amohelang Lentsoe le leng le le leng, ’me o omela tšepiso e ’ngoe le e ’ngoe, ka amen.” Aba sena, Ntate. Ke e laeletsa ho Uena joale, ka Lebitso la Jesu Krete. Amen.

179 Ho lokile, ke hora ea leshome. Ha re a tlameha ho hlophisa mola oa thapelo holimo mona. Re ka e fumana kantle mane. Lea e lumela na?

180 Ke ba bakae ka mona ba lumelang hore esale Eena maobane, kajeno, le kamehla, ea lumelang hoba mosajana eo ea amileng seaparo sa Hae ka monoana oa hae lekhateng leo, E ne e le—E ne e le ka nama, a ama seaparo sa Hae. Mohlolohali ke oo. A sa khone ho e utloa, eaba O retoloha a re, “Ke mang ea Nkamileng?” ’Me a ke ke a ipata. ’Me A ’molella mathata a hae, ’me tumelo ea hae ea mo folisa.

181 ’Me Bibe e re, kajeno, ho Baheberu, ho re, “Ke Moprsta e Moholo ea ka angoang ke maikutlo a mahlomola a rōna.” Ke batho ba bakae ba kulang ba lumelang hoo? Phahamisa letsoho la hau. Ho lokile, u e lumele, ’me re bone joale haeba e le ’nete.

182 U re, “Moena Branham, hoo ho tla joang?” Ho lumela Lentsoe hantle feela kamoo Le ngoliloeng. U se amohele bokhelohi bofe, *seo* thaka lena le se buang Se *tjena*, ’me thaka lena le re Se *joalo*. U Le lumela kamoo Le ngoliloeng.

183 Haeba A tlameha ho u ahlola kamoo E ngotsoeng kateng, ebe hobaneng le amohela tlhaloso ea motho e mong ka Lona, hoba le tla ahloloa joalo. Hoo feela, Ke folaga ea Hae eo. Esale A lebetse Lentsoe la Hae. Ha ho letho le phoso ka lona. Leo ke Lentsoe hantle feela. Ke seo re tla ahloloa ka sona, ke Sena, ke Lentsoe la Molimo.

184 “’Me ha le lula ho ’Na,” eo ke tumelo, “Lentsoe la Ka le ahile ka ho lona,” hobane eena Ke Lentsoe, “le ka kopa seo le se batlang.”

185 Joale u ame seaparo sa Hae, ho re, “Morena Jesu, ke lumela ka pelō ea ka eohle hore re phela matsatsing a qetelo. Kea lumela U sa le Molimo o entseng mehlolo ena eohle eo molisa oa rōna a re bontšitseng eona, bosiueng bona, Lentsoeng. Ke a lumela U Moprsta e Moholo. Morena, e re ke ame seaparo sa Hau. Ebe U bua ka moena enoa, le—le ho tlaleha U bua ka eena. ’Me, hape, ha a ntsebe, empa U a ntseba.” Le ho bona haeba E se Molimo oa mehlolo, ’me ho boele ho hlahe mohlolohali, ntho e sa fihlelloeng eo motho a sa khoneng ho e senola le ho e bolela.

186 Na le tla e lumela? Ha A ka e etsa, re tla tseba hoba ke mohlolohali. Na ho joalo? Ke ne ke tla tsoara mola oa thapelo; ke ile ka tsoasoa ke taba eo ho fihlela ke—ke—ke fapohile, ’me nako e se e batla e tlotse. U a lumela. Ha re qaleng koana . . . Ha ke khone . . .

<sup>187</sup> Ke tlameha ho le arohanya. Ha re qaleng ka lehlakoreng *lena* mona. Motho e mong ka mokhoa *ona*. Ba bakae ka *mona* ba tsebang ke sa ba tsebe kapa ke sa tsebe letho ka lona, phahamisang matsoho a lona; 'me u a kula, u a tseba u batla ho kopa Molimo? Ho lokile.

<sup>188</sup> Bang ba lona le a lumela, feela—feela nkang sena ka pelo eohle ea lona. “Morena Jesu, oa maobane, kajeno, le kamehla! E re ke U ame, Morena. Tumelo ea ka e tsamaea e-ea ho Uena koana letsohong le letona la Molimo, ea lutseng ka Botlotlehi. 'Me Moea o Halalelang oa Hau, o neng o le ka ho Uena, o teng mona bosiueng bona. E re ke ame feela, ka tumelo, Morena.” Le ho bona haeba E sa ntse e le mothei oa mohlolohali, ho etsahatsa lintho tse sa tsebojeng ka botlalo. Le apare tšabo feela.

<sup>189</sup> Mona, na le bona sena hantle mona? Ke mofumahali oa bammala ea lutseng hantle morao mona. O khathatsoa ke maemo a phieo. O sa tsoa etsoa oporeishene. Ha ke tsebe mofumahali eo.

<sup>190</sup> Ke molata ho uena. Na ho joalo, mofumahali? Empa hoo ke 'nete, ha ho joalo? Na u lumela oona Molimo o ka bolellang mosajana ea amileng seaparo sa Hae mono, le—le ka nqane ho letša, na u lumela hore ke oona Molimo oo? U ke ke oa nkama, nameng, u a tseba. Ka baka leo feela ke tla . . . 'Me ha ke u tsebe. Ka baka leo Moprista e Moholo o teng, hobane O itse E ne e le Moprista e Moholo. Na ho joalo? 'Me u a e lumela. Ha u ne u le mono u e rapella hore ebe uena, ntho e u khahlotse, 'me hang ka e bitsa. Na ho joalo? Ho lokile.

<sup>191</sup> Oporeishene ena eo u e entseng eona ha ea bonahala e atlehile haholo. Ha u fole, le uena, 'me u makalitsoe ke eona. 'Me u tlile koano bosiueng bona ka morero o tšoanang. Ha Morena Jesu a ka ntšenolela hore u mang, joaloka ha A entse ho Simone ea nyolohileng, na u tla lumela hobane ke moporofeta oa Hae, mohlanka oa Hae? Na u lumela seo? Mof. Pigrum. Ke hantle. Joale u lumele ka pelō eohle ea hau, ikele lapeng 'me u phele. U tla fola hobane tumelo ea hau e a u phelisa.

<sup>192</sup> Na u lumela ka pelo eohle ea hau? Ho ka ba joang karolong *ee* e ka mona, kae-kae, motho ea lumelang?

<sup>193</sup> Monna ea lutseng mona qetellong, o jeoa ke mahlo. Ha ke tsebe haeba a tseba . . . E, o ntšoere joale. O utloa Moea. E, na u bona Leseli leo holim'a monna? Mongh. Otis, leo ke lebitso la hau. Ke osele ho uena ka botlalo, empa u tšoenyehile ka mahlo a hau. Krete o a u folisa, tumelo ea hau.

<sup>194</sup> Joale botsa monna haeba nkile ka 'mona, ho tseba letho ka eèna, kapa mosali enoa, kapa e ka bang eng. Mohlolohali ke oo. Na le lumela seo? Esale Eena maobane, kajeno. O tšepisitse, “Mesebetsi eo Ke e etsang, le lona le tla e etsa.” Ke kamoo A Itsebahalitseng e le Messia. Na ho joalo? Be, esale Eena maobane, kajeno, le kamehla. 'Me u a tseba e ke ke ea eba 'na. Ha ke Messia oa letho. Ke mpa ke le monna, moena oa lōna. Empa ke Moea o

Halalelang mona, eo ke Messia. Eo ke Moetapele. Ke Eèna ea tsebang. Ha ke tsebe batho bao; ba e tseba.

<sup>195</sup> Mona, ke batla ho le bontša. Ho na le mosali oa bammala ea lutseng hantle holimo mono lephakong, holimo mono, o jeoa ke mokokotlo. U a lumela Molimo a ka mpoella na u mang? Mof. Kelly. [Khaitsetli o a lla, “Ke ’na eo!”—Mohl.] Ke hantle. Ho lokile.

<sup>196</sup> Na u lumela ka pelo eohle ea hau?

<sup>197</sup> Mongh. Swanson morao mane, ka bothata ba methapo, na u lumela Molimo a ka u phekola? Haeba u e lumela ka pelō eohle ea hau! Ho lokile, u ka e fumana. Molimo o a u folisa.

<sup>198</sup> U a e lumela na? Ha ke tsebe batho bao. Ba botse haeba kea ba tseba. Ke mohlolohali.

<sup>199</sup> Motsotso feela. Leseli lena ke lena, Le eme holim’a mosali. Ke a mo tseba na ke mang. O lutse hantle mona. U se tšoenyehe, Mof. Collins, khaotsa ho tšoenyeha ka seo, ho ikulisa. Tsohle li tla itokela. Molimo o etella pele. Joale, ke tseba mosali eo. Ke a mo tseba ke mang. O tsoa tlase Indiana, kapa Kentucky. Ke a mo tseba. Monna oa hae mono, ke setho sa kereke ea ka, ke e—ke motikone tlase mane, monna ea khabane. Empa Leseli leo ke leo. Na ha le Le bone holim’a hae? Esale a khathatsehile, o a kula, ’me o ferekane ka seo a sa tsebeng hore na a e etse kapa che. U hopole feela, lesa ho touta, khaitsetli, ho tla itokela. O tseba tsohle ka eona. O tla etella pele ha u ka Mo lesa feela.

<sup>200</sup> Amen! Eena maobane, kajeno, le kamehla, Ke mohlolohali! Re motlotlo ka eona. Lea e lumela na?

<sup>201</sup> Ema ka maoto a hau o e amohela, ’me o re, “Morena Molimo, ke tla ho Uena ka Lebitso la Jesu Krete, sebetsa ka ho ’na, le ho tlisa khanya le mahlohonolo a Hau le matla holim’a ka. A mohlolohali o kene pelong ea ka hona joale. Ke a lumela. Ke a lumela.” Ka pelō eohle ea hau, e lumele.


<sup>202</sup> Phahamisang matsoho a lona le sa bina sefela sena sa khale, “Kea Mo rata, kea Mo rata hobane A nthatile pele.” Koala mahlo a hau. Koala mehopolo eohle ea hau, le ho lumella Jesu Krete ho kena ka ho uena, ’me e mong le e mong oa lona o tla folisoa ’me a tlale Moea o Halalelang.

<sup>203</sup> Mohlolohali o le mong, bosiuong bona, o tla hotetsa sena, o tlameha ho tukisa tulo ena. Jesu Krete o teng mona. Ke mang ea ka hlahosang seo? Botsa batho bana, e-ea ho bona. O na le mabitso a bona le lintho, teiping ena. Eya, o ba botse. Ua bona, ha ke tsebe letho ka bona. E etsa’ng? Molimo, mongoaheng ona oa hlalefo. . .

<sup>204</sup> “Pula e kae leholimong,” ho boletse mahlale a mehleng ea Nohe, “e ho kae holimo mono?” Molimo o e tšepisitse! E tlile.

<sup>205</sup> Lintho tsee li ka etsahala joang? Ha ke tsebe. Molimo o e tšepisitse! E sa le Eena maobane, kajeno, le kamehla. Allelua!

Mohlolohali! Ke a Mo rata, ke a Mo rata hobane A nthatile pele, le ho tutubolla mahlo a ka a fufetseng, ke tle ke kene ke bone Boteng ba Hae le ho tseba hobane O teng mona. Amen hape amen!

<sup>206</sup> Ha re phahamiseng matsoho a rōna re Mo khumamele joale re sa se bina. Khanya ho Molimo! Ho lebohuoe Morena Jesu Kreste, ka molemo oa Hae le mohau! Molimo a le hlohonolofatse. 

63-0801 Mohlolohali  
Marigold Center  
Chicago, Illinois U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlalisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)